

bosansko-hercegovački magazin

Europa

februar 2013

Političar-najunosnije zanimanje u BiH
Intervju: Goran Bregović
Zaljubljeni i nakon 64 godine braka

ISSN 1939-3423



ADVOKATSKA KANCELARIJA

Aleksandra H. Bronsted

Attorney at Law



Porodično pravo/Divorce

Krivično pravo/Criminal Law

D.U.I

Osobne ozljede zadobivene:


Na radu/Workers' compensation

U saobraćajnim nesrećama/automobile accidents

Pri padu/slip and fall

Korišćenjem neispravnih proizvoda/product liability

Medicinske greške/medical malpractice



Aleksandra H. Bronsted, PC

6065 Lake Forrest Dr.

Suite 200

Atlanta, GA 30328

Phone: (770) 451-3818

Fax: (770) 451-3922



Prvi advokat u Atlanti sa kojim možete razgovarati na Vašem jeziku!

U ovom broju:

4 Komentar

Jezići nerazumijevanja

8 Bosna i Hercegovina

Političar-najunosnije zanimanje u BiH

20 Intervju

Goran Bregovic (1.dio):

Ja sam najgori supkulturni

proizvod komunizma

30 Reportaža

Kulinarske putešestvije (13):

Tradicija je tradicija, a jagnje je jagnje

32 Zanimljivosti

Zaljubljeni i nakon 64 godine braka

34 Automobili

36 Nauka

38 Sport

40 Porodica

41 Mozaik

42 Horoskop

44 Zabava

46 Oglasi



FOREIGN LANGUAGE SERVICES LLC

Vesna Galtere

OVLAŠTENI SUDSKI TUMAČ ZA BOSANSKI I HRVATSKI JEZIK

usluge prevodjenja na sudu, kod liječnika i dr.
ovjereni prijevodi dokumenata: vjenčani, rodni list i sl.

**Registered and Licensed Court Interpreter
for Bosnian and Croatian language**

Cell: 404-735-4383 Fax: 480-247-4567
vgaltere@gmail.com
vgaltere@foreignlanguageservices.net



NOVI TV PROGRAM NA VAŠEM JEZIKU

EUROPA MAGAZINE je partner Hayat TV za područje Sjeverne Amerike. Nudimo nevjerovatne cijene oglašavanja na najgledanijem satelitskom programu Hayata. Telefon: 678-743-5731 ili nam pošaljite e-mail na redakcija@europamagazine.info. Uvjerite se i sami. Reklamiranje na televiziji je pristupačnije nego što mislite!

+ 387 33 271 340
+ 387 33 271 350
marketing@ntvhayat.com
prodaja@hayat.ba
www.hayat.ba

*Učinite sve udariti,
marketing vaše televizije*



www.bosnianyellowpages.us

jedna web stranica za sve vaše potrebe

KOLUMNA

Jezici nerazumijevanja

Godinama prije bosanskog rata devedesetih, pričavala se kao jedna od grubih i neumjesnih etničkih dosjetki, priča o čovjeku koji je nekim poslom iz okoline došao u Mostar i pitao prolaznika „gdje je ovdje općina?“ Odgovor – u tonu odbojnosti za hrvatski jezik – je glasio: „Najbliža općina ti je u Metkoviću“. Prošlo je od tada mnogo godina u kojima je u potrazi za novim identitetima sistematski produbljan jaz među narodima: crtanjem novih etničkih mapa, masovnim progonima i zlodjelima, rušenjem starih mostova i potcrtavanjem razlika, pored ostalog u jeziku, do otvorene netrpeljivosti za riječ „drugoga“.



Zgrada RTV BiH

U poratnoj Bosni i Hercegovini najupadljivija manifestacija tog savremenog kulturološkog apartheida je opstajanje „dvije škole pod istim krovom“ u Federaciji u kojima bošnjačka i hrvatska djeca koriste zasebne ulaze u školu, dolaze ili odlaze s nastave u različita vremena i ne susreću se čak ni u toku dnevnog školskog odmora pri tome odrastajući ne samo u jezičkoj isključivosti nego i učeći različite – i međusobno suprotstavljene – verzije istorije i geografije bez bilo kakvog razumijevanja za zajedničko u prošlosti ili sadašnjosti.

Ta potraga za razlikama po svaku cijenu nije, naravno, izum bosanskohercegovačkih nacionalista. Ona ima svoje izvore i manifestacije i u najbližem susjedstvu: u svježem je sjećanju skandal od prije godinu dana u Hrvatskoj sa skidanjem srpske komedija „Žikina dinastija“ s programa komercijalne RTL televizije zbog službenog upozorenja Vijeća za elektronične medije kako filmovi iz uvoza moraju imati titlove na hrvatskom jeziku. U hrvatskoj javnosti takav je zahtjev ocijenjen kao skandalozan i komičan i izazvao je uglavnom ismijavanje ranijih pokušaja da se srpski filmovi prevode na hrvatski jezik.

Iako je i ovim povodom bilo oživljavanja argumenata promocije „čistog hrvatstva“, pored ostalog u vidu pitanja hoće li se, poput srpskih, i italijanski filmovi prikazivati bez prijevoda, prevladalo je razumijevanje da bi titlovanje filmova s jezika koji se, uprkos razlikama, savršeno i potpuno razumije bilo ne samo stupidna nego i vrlo skupa rabota.

Taj apsurd, u vidu insistiranja na zasebnom kanalu javne televizije na hrvatskom jeziku, ima i svoje bosanskohercegovačke manifestacije i dimenzije, koje opstaju svih ovih poratnih godina, a kulminirale su ovih dana odlukom Savjeta ministara da u zakonodavnu proceduru uputi Prijedlog zakona o izmjenama i dopunama Zakona o Javnom radiotelevizijskom sistemu BiH kojim bi se osnovao RTV kanal na hrvatskom jeziku.

O tome sam pisao u knjizi „Zločin u 19:30 - Balkanski mediji u ratu i miru“ – objavljenoj u Sjedinjenim Državama 2003. godine, a zatim i u Bosni i Hercegovini, Srbiji i Sloveniji – i ni nakon deset godina ne bih imao šta bitno dodati tada napisanom:

“Sva ironija, koja ima i visoku cijenu u novcu i drugim resursima, je u tome što i sa svim nacionalističkim halabukama o dubokim istorijskim, kulturnim, jezičkim i svakojakim drugim razlikama, tri bosanska naroda – Bošnjaci, Srbi i Hrvati – razumiju svaki od tri ‘različita jezika’ savršeno dobro. Nema riječi, rečenice ili fraze u bosanskom, hrvatskom ili srpskom jeziku koju ne bi razumjeli – 100 posto – građani sve tri etničke pripadnosti.

Ali, samo zato što ih je decenija nacionalističkog ludila naučila da mrze različitost u izražavanju, umjesto da se osjećaju obogaćenim zbog toga, Bosanci sad moraju imati zasebne ‘srpske’, ‘bošnjačke’ i ‘hrvatske’ televizijske vijesti. Potencijalno – postoje brojni problemi u vezi s tim. Glavni je: kako i zašto održavati geto ‘etničkih vijesti’ u doba informativne eksplozije kad čarolijom Interneta možete u vlastitoj sobi za pola sata obići informativno globalno selo? Drugo pitanje je: znači li ta podjela na tri etnička kanala da će javnosti u tri entiteta biti servirani samo izvještaji vlastitih reportera, intervjui samo s vlastitim političarima, piscima i drugim umjetnicima? Ako je tako – to će dalje učvršćivati institucionalnu i kulturnu segregaciju, otežavati dijalog i razmjenu ideja, predstavljati prepreku bilo kakvoj političkoj, ekonomskoj ili duhovnoj integraciji i unutar zemlje i sa drugima u regionu i Evropi. Ako nije – onda cijeli taj koncept sa posebnim kanalima na posebnim jezicima nema nikakvog značaja pošto će ljudi svejedno govoriti i bosanski, i srpski, i hrvatski i biti sa-

Poštovani čitaoci, redakcija Europa Magazina će rado objaviti i Vaš tekst, ako nam ga pošaljete na e-mail adresu redakcija@europamagazine.info. Ne zaboravite - ovo je i Vaša novina!

vršeno shvaćeni od drugih, čuvajući tako i lične i grupne etničke vrijednosti, ali i bosansko bogatstvo različitosti.”

Za ovog autora to nije tek izraz poštovanja za razlike već i životnog iskustva odrastanja i ljudskog sazrijevanja, hajde-da-kažem, u “sve tri” danas tako udaljene kulture: prvih pet razreda osnovne škole u Rovinju u Hrvatskoj; ostatak osnovne i gimnazija u Ljubiji i Sanskom Mostu u Bosni i Hercegovini; studij u Beogradu. U svakoj od tih kultura osjećao sam se kod kuće, pisao u novinama i govorio na radiju i televiziji pa jednostavno ne razumijem one koji insistiraju da se ne razumijemo..

*Kemal Kurspahić
Radio Slobodna Evropa*



Maxo & Associates, LLC
Vrijeme za takse 2013
HIDO MAKSUMIC
 Dipl. Accountant

Personal & Corporate Taxes,
 Bookkeeping, Professional Consulting

Cell: 404.429.6379
 E-mail: h_maksumic@yahoo.com

155 Gwinnett Dr, Suite D-2A, Lawrenceville, GA 30046



Dino Multi-Services
 DMS
 PREVODI, NOTARSKI I
 ADMINISTRATIVNI POSLOVI

Pružamo usluge:

- Notara, Apostille (međunarodna nadovjera dokumenta)
- prevođa i ovjere različitih vrsta dokumenata na engleskom ili na našem jeziku (punomoći, diplome, uvjerenja, ugovori, rodni i vjenčani listovi, nasljedničke izjave)
- popunjavanja aplikacija za zelene karte, državljanstva, pasoše, zaposlenja i sl.
- prevođenja (sudovi, imigracioni uredi, social security, dfcs, bolnice, banke, posao)

CENTAR ZA MALU PRIVREDU
 NA JEDNOM MJESTU: ODLUKE - SAVJETI - RJEŠENJA

ADRESA: 919 OAK MOSS DR.
 LAWRENCEVILLE, GA 30043
 E-MAIL: DKRGO@BELLSOUTH.NET

tel.(678)429-4353

KRGO DINO

LERO TRAVEL
 Phone 404-660-0910
 Enver Šejtanić



1405 Wheatfield Drive
 Lawrenceville, GA 30043
 enver@lerotravel.com
 Save money Book online
www.lerotravel.com

LION TAIL
 REALTY, LLC



PRODAJETE ILI KUPUJETE KUĆU?
 ZA MENE BITI REALTOR ZNAČI
 MNOGO VIŠE OD PRODAJE KUĆE
 MOJE USLUGE SU FOKUSIRANE NA
 USPJEH U OSTVARENJU VAŠIH ŠNOVA

Direct:
(678) 735-8397
 Suada@LionTailRealty.com
 LionTailRealty.com

Suada Nisic Realtor®
 HUD Expert, Buyer's Advocate, Listing Specialist



JEFTINE AVIONSKE KARTE LLC
 Samo Ptice Lete Jeftinije



Jazmir Bešlija
 owner

336 Springhaven Rd,
 Lawrenceville, GA 30046

Tel 770.963.9684 ili 770.963.9685

Fax 888.404.8088
 TravelBiH@Hotmail.com
 www.TravelBiH.com

Opća prostitucija na bh političkoj sceni

Opća prostitucija sindrom je koji je posljednjih godina zahvatio političku scenu Bosne i Hercegovine. Političke partije u Bosni i Hercegovini svoje stranačke i interese rukovodstva, posebice predsjednika stavili su iznad ne samo državnih nego i entitetskih, kantonalnih, lokalnih, pa i moralnih i ljudskih. O građanskim, odnosno narodnim iza kojih se kriju da i ne govorimo.

Važno je samo jedno – domoći se i što duže ostati na vlasti! Za takve poteze – cijene nema. Sklapaju se savezi i sa najljućim, mrskim neprijateljima. Igraju dvostruke igre. Vara. Obmanjuje. A, narodu je dovoljno i igara. Samo nek je veselo. Hljeba – kruha odavno već ionako nema!

Koliko je sve licemjerno najbolje je pokazao primjer SDS-u. Nakon svih silnih uvreda, optužbi i iznošenja prljavog veša u javnost protiv ljutog i mrskog neprijatelja SNSD-a dužnosnici te partije zaključili su da su “interesi Republike Srpske iznad svih” – ostaju u šestorki. Na državnom nivou. A, kao satisfakciju o SNSD-u zadržavaju pravo da i dalje misle da je – najgori.



Složna šestorka

Kritikovat će ga i dalje gdje god stignu, ali samo u Republici Srpskoj. Gdje ostaju navodna opozicija. U tom entitetu SDS će na sva zvona optuživati SNSD jer pretenduju da 2014. postanu – vlast.

Igrajući igru malo vlast, malo opozicija SDS samo jasno pokazuje da ne bi bio ništa bolji od SNSD da ima poluge odlučivanja. Jer, da doista želi da se bori za promjenu stanja u korist građana kako lokalne zajednice, entiteta i države BiH činio bi to iz ugla opozicije, a ne poluopozicije.

Ništa bolje stanje nije ni u Federaciji BiH. I u ovome se entitetu samo vodi briga kako se domoći vlasti na bilo kom nivou ne vodeći se pritom mišlju ko će ti i kakav u tom procesu partner biti.

Primjer prelivoda zbog pozicija najvidljiviji je u NSRB-u. Tako da bi se bilo u vlasti NSRB pristaje na razini Federacije BiH surađivati sa SDA i HSP-om. Na kantonalnoj razini pak, a zarad ministarskih mjesta kao što su primjeri u Zeničko-do-

bojskom i Tuzlanskom kantonu spremna im je okrenuti leđa i udružiti se sa protivničkim SDP-om i SBB-om, a u Unsko-sanskom i sa a-SDA. Čak NSRB ne preza ni od partnerstva sa HDZ-om BiH u ZDK-u i TK-a. A, ni HDZ-ovcima se ne gadi NSRB koliko to žele predstaviti javnosti.

Slično je i sa BPS-om. I ova stranka se okreće ne u zavistnosti od vjetrova nego od toga ko će je pozvati u vlast. Tako je u Kantonu Sarajevo u savezu sa SDA, SDU-om, NSRB-om, BOSS-om i grupom samostalnih zastupnika, a u Tuzlanskom kantonu sa “neprijateljskim” SDP-om, SBB-om, NSRB-om i HDZ-om BiH.

Jasno je da u BiH najbolje profitiraju – najmanji. Jer, partije sa jednim ili dva glasa često su odlučujuće za sastavljanje parlamentarne većine. I tako će biti sve dok imaju nizak izborni prag od tri posto koji im omogućava da uz mali broj glasova dođu do takvih mandata.

Čak ni stranke koje se hvalje da djeluju opoziciono to ne čine. Tako je SBiH u vlasti u Brčko distriktu, SDU je ušla u vlast u Kantonu Sarajevo, NS pretendira da to postane u Gradu Sarajevu...

Ostale manje stranke poput DNS-a, SP-a, a-SDA već su uveliko priklonjene vladajućim blokovima zadovoljivši se pokojim ministarstvom u vladama. DNZ u Predstavničkom domu Parlamenta FBiH djeluje u klubu sa HSP-om, PDP u Predstavničkom domu Parlamentarne skupštine BiH sa SDS-om... Stoga se i njihovo djelovanje može nazvati poluopozicijom. I na lokalnom nivou, u gradskim i općinskim/opštinskim vijećima i skupštinama male stranke poput SPU-a i NDS-a prišle su nekom od saveza zbog pozicija u rukovodstvima i komisijama.

Djelovanje HSS-NHI-ja, SRS-a, LDS-a, GDS-a, HKDU-a, SNS-a, NSP-a na političkoj sceni je toliko beznačajno da samo još izbori ukazuju da su u životu.

Zbog političke trgovine foteljama i pozicijama stradala je – opozicija. Za razliku od drugih država u okruženju Bosna i Hercegovina svoju opoziciju morat će da pravi iz pepela. (Do) sadašnja je izgubljena u čarima vlasti.

Almir Terzić

Michael E. Carroll & Associates, LLC Attorneys At Law

Michael E. Carroll, Esq.
&
Christopher S. Walker, Esq.



Michael Carroll

Christopher Walker

Radimo u oblastima:

Osobne povrede zadobivene:

- * Na radu**
Worker's compensation
- * U saobraćajnim nesrećama**
Car accident
- * Krivično pravo**
Criminal Law
- * Bankroti**
- * DUI**

Call:

Satellite Court
2250 Satellite Boulevard, N.W.
Suite 205
Duluth, GA 30097

678-473-9472

Advokati s dugogodišnjim iskustvom u radu s osiguravajućim društvima, sada mogu svojim iskustvom pomoći u rješavanju Vašeg slučaja.

- PREVODILAC NA RASPOLAGANJU -

Građani i država sve siromašniji, a lideri bh. političkih partija zarađuju milione

Političar - najunosnije zanimanje u BiH

Biti političar najunosnije je zanimanje u BiH, ako jer suditi prema posljednjem u nizu istraživanja imovinskih kartona lidera političkih partija u BiH, koje su uradili novinari Federalne televizije. Imovina Milorada Dodika (SNSD) navodno se procjenjuje na oko četiri miliona maraka. Još bogatiji je Dragan Čović (HDZ BiH), čiji se imetak u navedenom istraživanju procjenjuje na preko 6,5 miliona maraka. Bogatstvo Fahrudina Radončića (SBB BiH) se mjeri u stotinama miliona maraka, a vrijednost imovine Zlatka Lagumdžije je oko milion maraka.

Neefikasno sudstvo je jedan od gorućih problema Bosne i Hercegovine

Norbert Mappes - Niediek Norbert Mapes-Nidiek dobro poznaje političke prilike u BiH i kritizira korumpiranost, koja prolazi nekažnjeno

Norbert Mapes-Nidiek (Mappes-Nidiek), autor knjige „Balkanska mafija“ i nekadašnji savjetnik Jasušija Akašija za bivšu Jugoslaviju, na pitanje šta bi se desilo na Zapadu u slučaju sumnjivog porijekla imovine, je odgovorio da bi najprije „političari bili pod takvim pritiskom da bi morali izaći u javnost i odgovoriti na optužbe. Pri tome, na Zapadu ne postoji obaveza da se imetak i njegovo porijeklo objavi. Ali, to moraju raditi zemlje u tranziciji, kao što to radi Slovenija. Ovih dana su slovenački šef vlade (Janez Janša, op.ur.) i lider opozicije (Zoran Janković, op.ur.) u neprilici i moraju da objasne porijeklo svoje imovine ili jednog njenog dijela. Na Zapadu ne postoje obaveze te vrste, ali postoje politički pritisci da se pruži objašnjenje, što svim stranama daje mogućnost da se situacija istraži i razjasni. U zemljama poput BiH te optužbe se jednostavno izgube. Problem je što ne postoji sudska instanca koja će objektivno reći šta je nelegalno stečeno, a šta ne.“

Pravosuđe pod političkom kontrolom

Neefikasno sudstvo je glavna smetnja u borbi protiv korupcije u BiH, smatra Mapes-Nidiek. Bosanskohercegovačko pravosuđe pokrenulo je nekoliko postupaka protiv pojedinih političara. Za mito i korupciju bio je optužen Dragan Čović, predsjednik HDZ BiH. Protiv Milorada Dodika se već godinama najavljuje podizanje optužnice, ali se to još nije dogodilo. Zašto? Norbert Mapes-Nidiek objašnjava da su u slučaju Dodik „optužbe o njegovoj korupciji prisutne više od 10 godina. Objavljivane su u mnogim novinama i izvještajima međunarodnih organizacija, ali je sve prošlo bez posljedica.

Funkcionalnog sudstva očito nema. U BiH postoji mehanizam koji svaku optužbu prebacuje na drugu etničku grupu. Dodik je sposoban za to da svaku optužbu predstavi kao napad na Srbe i Republiku Srpsku.“

Zbog čega sudstvo nije u stanju pokrenuti proces protiv sumnjivih političara pojašnjava Srđan Blagovčanin, predsjednik Transparensi Internešenela (Transparency international) za BiH: „Prvi i osnovni problem sudstva BiH je to što je pod dominantnom političkom kontrolom. Drugi je nekompetentnost ljudi koji tamo sjede, nepostojanje specijalizovanih istražnih timova, nedovoljna saradnja između agencija za provođenje zakona i pravosudnih institucija. Ipak, glavni problem je politička kontrola, što proizilazi iz činjenice da se pravosuđe finansira iz 14 različitih nivoa i 14 budžeta. To znači da svaki kantonalni ministar finansija ima efektivnu kontrolu nad pravosuđem.“

Jedino rješenje je pritisak iz Brisela



S obzirom da nema konsekvenci i da se ne pokreću sudski procesi, u BiH se stvara slika o opštoj korupcijskoj kulturi, gdje niko ne zna šta je istina, a šta je laž. Kada jednom nastane takva zbrka, i politika se razvija u tom smjeru. Na kraju dolazi do potpune korupcije u političkom sistemu uopšte, smatra Norbert Mapes-Nidiek i osvrće se na ulogu OHR-a: „Uloga međunarodnih sudija i tužila

laca je u velikoj mjeri pozitivna, ali se ne smije zaboraviti na politički interes različitih zemalja u OHR-u. Ako se neki političar može ucijeniti i ako ga je moguće optužiti, to praktično olakšava rad službenicima međunarodne zajednice. Oni mašu tim optužbama i to znači da zauzvrat traže protuuslugu. Taj mehanizam će biti prisutan sve dok se ne ukine protektorat. Naravno da će ukidanje OHR-a pogoršati situaciju, ali rata neće biti. Najprije mora biti gore da bi bilo bolje.“

Srđan Blagovčanin Blagovčanin se nada da će pritisak Evropske unije promijeniti situaciju

Blagovčanin također kaže da je OHR koristio činjenicu da su bh. političari korumpirani, ucjenjujući ih političkim progonom. On dodaje i da se OHR u posljednje vrijeme uopšte ne miješa u komplikovanu situaciju u BiH, kao i da nema namjeru da bilo šta učini. Ono što može promijeniti stanje u zemlji je snažan pritisak iz Brisela, ističe Srđan Blagovčanin, predsjednik Transparency internationala za BiH.

„Vidjeli smo na primjeru Hrvatske da taj snažan i fokusiran pritisak na vlade i političare u zemlji može dovesti do iskoraka u borbi protiv korupcije. Ja jedinu nadu za BiH u kratkoročnom i srednjoročnom periodu vidim u pritisku Brisela na vlasti u zemlji da se konačno uhvate u borbu sa korupcijom“, ističe Blagovčanin. .

**NAJPRISTUPAČNIJE CIJENE REKLAMIRANJA
NA TELEVIZIJI!**



***Imate biznis? Želite više posla?
Oglašavajte se i Vi na televiziji!***



1-877-747-6097 :: info@europlus.tv

Reklamirajte Vaš biznis za samo

\$250 mjesečno

(dužina trajanja ugovora 6 mjeseci)

Privatne poruke i mali oglasi

\$100 mjesečno

(bez ugovora)

SDA konvencija: Dobar početak predizborne kampanje

Trinaest je (ne) sretan broj

Sjednica Glavnog odbora nije bila sretna za one koji su vjerovali kako će SDA u 2013. ući raspolučena, pa onda biti lak plijen na Općim izborima što nas čekaju iduće godine. Trinaest je zato bio sretan broj za stranku koja je na prošlogodišnjim lokalnim izborima navijestila svoj uspon, pa slijedom toga ujedinila Lagumdžiju i Radončića, dvojicu – dotada – ljutih protivnika

Institut za ekonomiju i mir (IEP) objavio je prošloga tjedna, za nas pomalo i neočekivan, podatak kako je Bosna i Hercegovina na 65. mjestu najmirnijih mjesta za život u svijetu. Budući je u konkurenciji bilo čak 158 država, naš plasman je vrlo, vrlo, solidan. Nismo, eto, ni znali gdje živimo! Nije, međutim, ovaj Institut pratio događaje vezane za Stranku demokratske akcije. A tu je bilo doista svega – i stranac koji bi se zatekao u BiH proteklih dana, ma gotovo i tjedana ne bi, usprkos IEP-u, poželio živjeti ovdje. Gotovo je, zapravo, nevjerojatno s koliko su interesa Socijaldemokratska partija Zlatka Lagumdžije i Stranka za bolju budućnost Fahrudina Radončića pratile zbivanja koja su prethodila, prvo sjednici Predsjedništva najjače bošnjačke stranke, a onda i 13. redovitoj sjednici Glavnog odbora.

U biti, preciznije bi bilo kazati kako obje stranke, a ova druga uz pomoć stranačkog biltena koji je, dakako, na raspolaganju i ovoj prvoj, nisu pratile što se zbiva u SDA-u, nego

Krvna zrnca: SDP-ov Centar za informiranje koji se neumorno, neri-jetko i dvaput dnevno, očituje o događajima u SDA-u, počeo je, nakon subotnjega Glavnog odbora, brojati krvna zrnca užeg rukovodstva SDA. Nema, vele, nebošnjaka, a puna im usta države. Stranka demokratske akcije je, međutim, po svojoj temeljnoj definiciji bošnjačka stranka, kao što su, primjerice, HDZ-ovi (što im i ime svjedoči) stranke hrvatskog naroda

su proizvodile događanja raskola. Osobito inzistirajući na tzv. sukobu dvojice esdeaeovih čelnika Sulejmana Tihića i Bakira Izetbegovića. Fokusirajući se ovoga puta, za razliku od vremena kada se Tihić liječio u Ljubljani a Avaz hvatao muštuluk o njegovim posljednjim danima, na Izetbegovića – kojega i inače, bez obzira na povod, drže na nišanu. Onako snajperski – s tornja!

Nisu se o svom jadu zabavili

No, 13. sjednica Glavnog odbora nije bila sretna za one koji su vjerovali kako će SDA u 2013. ući raspolučena, pa onda biti lak plijen na Općim izborima što nas čekaju iduće godine. Trinaest je zato bio sretan broj za stranku koja je na prošlogodišnjim lokalnim izborima navijestila svoj uspon, pa slijedom toga ujedinila Lagumdžiju i Radončića, dvojicu – dotada – ljutih protivnika.

Naime, nakon što je sto (samo dvojica protiv) članova GO

izglasalo promjenu stranačkog Statuta, a onda i odluku o održavanju programsko-izborne Konvencije, može se kazati kako je SDA jedinstvena i odlučna ušla u predizbornu kampanju. Što će, dakako, biti još jedanput potvrđeno i na Konvenciji idućeg petka. Kazao je to, doduše i neizravno, i sam Sulejman Tihić, obrazlažući pritom zašto je odluka Konvencija, a ne Kongres – dobra za Stranku. Esdeaeovski lider, a suglasan s njim je i njegov ljuti takmac za čelnu poziciju Bakir Izetbegović, drži kako je važno da je SDA u predizbornu godinu ušla osnažena, a nakon izborne pobjede na Općim izborima, bit će pravo vrijeme za Kongres.

Odlukom donesenom na sarajevskom Marijin dvoru izborni pobjednici na lokalnim izborima su izbjegli situaciju u kojoj bi se bavili sami sobom, a ne državom koja je trenutačno u nevjestima, pa onda i opasnim rukama šestorke uvezane zarad uskostranačkih, a ne interesa Bosne i Hercegovine. Usto, baš kao što je to primijetio Izetbegović, inzistiranje na Kongresu bi dovelo do emotivne podijeljenosti, što bi za SDA bila upravo tragično u praktički predvečerje Općih izbora. Zato, nakon subotnjega raspjeta, osporavatelji stožerne bošnjačke stranke, stranačko jedinstvo iskazano na Glavnom odboru pokušavaju pripisati čvrstoj ruci Sulejmana Tihića, kojem se, eto, priključio i Bakir Izetbegović.

U politici je, pak, kao, uostalom, i drugim javnim poslovima vrlo bitna percepcija. Ne vjerujem zato kako ima itko ozbiljan koji će potpisati esdeaeovsku tvrdnju kako je Tihić nekakav čvrstorukaš, ili da je SDA stranka jednog lica. No, kada se kaže Lagumdžijin SDP ili Radončićev SBB, onda se to doista tako misli. U doslovnom smislu. Uostalom, ovaj drugi je po svom habitusu – privatnik. Pa mu je takva i stranka. Njegova! A to iritira sve veći broj istaknutih članova pa, evo, bježe glavom bez obzira. Gotovo svakodnevno.

Što se ovoga prvog tiče, njegov je stil vođenja stranke naslijeđen iz prošlog sistema, baš kao i imovina bh. Komunističke partije. Poput Josipa Broza, i Lagumdžija je godinama čistio SDP od svih onih koji su mu se našli na putu, ili ih je osobno procijenio kao (dugoročnu) opasnost za njegovu političku karijeru.

Tri I?!

Držeći se maksime kako na vrhu može biti samo jedan, vjerojatno doživotni esdeaeovski čelnik je eliminirao i Željka Komšića, uvjerljivo najpopularnijeg člana, koji je na posljednjim izborima dobio uvjerljivo veću potporu glasača od

Stranke. Što mu je, vjerojatno, bila otežavajuća okolnost – iz Lagumdžijine perspektive. Komšić je, u biti, bio maneken Predsjednikova ustrajavanja na tezi kako je SDP i bošnjački i srpski i hrvatski.

Ma, što tko mislio o Lagumdžijinom insistiranju da ovo-ga, sada već bivšeg člana, redovito kandidira za hrvatskog člana državnoga vrha, izbjegavajući pritom da se i osobno na izborima oglada sa, primjerice, Izetbegovićem. Pa, ako hoćete i sa Radončićem. Sada kada u Stranci više nema Komšića, izborni rezultati iz 2010. koji govore kako SDP dobiva oko jedan posto na teritoriji pod kontrolom hrvatskih stranaka, a niti toliko tamo gdje vedre i oblače Milorad Dodik i Mladen Bošić, bjelodano ilustriraju esdeposvku tri i!

No, SDP-ov Centar za informiranje koji se neumorno, nerijetko i dvaput dnevno, očituje o događajima u SDA-u, počeo je, nakon subotnjega Glavnog odbora, brojati krvna zrnca užeg rukovodstva SDA. Nema, vele, nebošnjaka, a puna im usta države. Stranka demokratske akcije je, međutim, po svojoj temeljnoj definiciji bošnjačka stranka, kao što su, primjerice, HDZ-ovi (što im i ime svjedoči) stranke hrvatskog naroda.

Istina, SDA su se za ovih više od dva desetljeća priključivali i Srbi i Hrvati, nerijetko zauzimajući i visoke stranačke pozicije, ali i entitetske.

Glasačko tijelo je, jasno, bošnjačko i trenutačni odabir užeg rukovodstva, koji će biti potvrđen na Konvencije, svojevrsna je poruka glasačima, koji su ionako na lokalnim izborima procijenili koja (bošnjačka) stranka može voditi zemlju koja se nalazi u dubokoj krizi.

Pogrešna je (svjesno, naravno!) stoga esdepeovska procjena da je Tihić stanje u državi iskoristio kao izliku za neodržavanje Kongresa. Stanje u Bosni i Hercegovini je doista takvo da bi raskol u SDA izazvao dodatne komplikacije sa nesagledivim posljedicama. Nakon pakta Dodik & Lagumdžija (kojemu se spremno priključio Čović, uz pripadajućeg mu Ljubića) država se još samo nazire negdje u daljini. I u takvim okolnostima – dok iz ormara dogovora iz Laktaša gotovo svakodnevno ispadaju kosturi – SDP upada u vremenoplov, vraća se u Prud i tvrdi kako je Tihić tamo bio spreman na bošnjačku fildžan državicu. A da je to doista tako, pa zar bi onda – nakon svega! – Dodik i Čović paktirali sa Lagumdžijom?!

Godina uoči izbora nije idealno vrijeme za kompromise, ali BiH više nema izbora, upozorio je Štefan File, evropski komesar za proširenje, u neobičajeno oštro intoniranom govoru o BiH Parlamentarnoj skupštini Savjeta Evrope u Strazburu

File oštro iskritikovao BiH

Ponovio je izjavu Torbjorna Jaglanda, generalnog sekretara Savjeta Evrope, da ta institucija, ali ni EU, neće priznati bh. izbore 2014. godine bez implementacije odluke Evropskog suda za ljudska prava u Strazburu po predmetu "Sejdić i Finci". Indirektno je poručio da će EU u narednom periodu primijeniti "čvršći" odnos prema BiH.

"Šef Delegacije i specijalni predstavnik EU Peter Sorensen je dobio pojačani politički mandat tokom svoje posjete Briselu prošle sedmice. Barone-

sa Ešton i ja smo jasno stavili do znanja da ima našu punu podršku za pojačani angažman prema političkim liderima i predstavnicima vlasti u pokušaju da dodemo do rješenja", istakao je File. Upozorio je da neimplementacija odluke "Sejdić i Finci" odugovlači stupanje na snagu Sporazuma o stabilizaciji i pridruživanju EU, ali i podnošenje kredibilne aplikacije za članstvo.

Važna poruka koju je File izrekao je da EU neće gledati kroz prste BiH kada je u pitanju sprovođenje odluke "Sejdić i Finci".

Neimplementacija odluke "Sejdić i Finci" odugovlači stupanje na snagu Sporazuma o stabilizaciji i pridruživanju EU, kazao je File

"Političkim liderima u BiH jasno poručujem da treba da srušimo dva mita kad se radi o sprovođenju odluke 'Sejdić i Finci'. Prvo, zemlje članice EU neće spuštati ljestvicu za kredibilnu aplikaciju ako vlasti BiH i dalje ne budu uspijevale pronaći kompromis o zajedničkom rješenju", istakao je File. On je odbacio i drugi mit – da bi odugovlačenje implementacije odluke za period nakon izbora moglo dovesti do boljih izgleda za rješenje.

"To nije moguće zato što takve izbore ne bismo smatrali da su u skladu sa neophodnim standardima. Rješenje nam treba sada", istakao je File i pozvao Savjet Evrope da nastavi aktivno da pomaže institucijama EU na pronalaženju rješenja.

Štefan File



Dodik prao novac u Srbiji, povezan sa slučajem Mišković

Operacije pranja novca, kojeg je na nezakoniti način steкао pljačkom proračunskih institucija u Republici Srpskoj, ali i nezakonitim privatizacijskim operacijama, političkim reketom i sličnim kriminalnim aktivnostima, čini se, najbolje povezuju Milorada Dodika sa slučajem uhapšenog srbijanskog tajkuna Miroslava Miškovića.

Naime, u predmetu Mišković ime Milorada Dodika pojavljuje se na skoro tridesetak mjesta, vezano uz određene Miškovićeve nezakonite poslovne i finansijske operacije. Povezujući taj trag s drugim dokumentima i dokazima koji inkriminiraju Dodika, jasno je kako je Dodik kriminalno stečeni novac u BiH prao kroz zajedničke poslove s Miroslavom Miškovićem, ali i kroz kupnju nekretnina u Srbiji, kao i kroz razne građevinske poslove, kao i u operaciji prodaje rudarskih i hidroenergetskih kapaciteta Republike Srpske. Dakle, dokazi danas jasno govore o tome kako je Dodik svoju vlast organizirao kao kriminalnu organizaciju, koja je na kriminalan način sticala finansijsku i materijalnu imovinu čija se vrijednost danas računa u milijardama eura, koje su Dodik i pripadnici njegove vladajuće mafije izvlačili iz Republike Srpske na različite načine i kasnije "oprali" uglavnom u Srbiji, na Cipru, u Rusiji i drugim državama.

Afera Dodik - Hypo dokazuje upravo takav obrazac kriminalnog funkcioniranja vlasti i institucija vlasti koje kontroliše Milorad Dodik. Dakle, Afera Dodik - Hypo ključna je baš zbog toga što otkriva kriminalnu formulu, te kriminalnu tehnologiju Dodikove pljačke, koju neki ekonomski stručnjaci danas procjenjuju i na oko dvije milijarde eura.

Afera "zgrada Vlade" i Slučaj "zgrade RTRS-a", Slučaj Integral, Afera "Ugljevik", Afera Hypo, Slučaj imovinska kartica, Slučaj Mišković, Slučaj Zekstra - Boska, samo su neke od međusobno usko povezanih kriminalno korupcijskih afera današnjeg predsjednika RS-a Milorada Dodika, koje dokazuju kako je glavni cilj njegove vlasti bila nevjerojatna pljačka i stjecanje materijalne i finansijske imovine, glavna metoda je bio državni kriminal i politička korupcija, glavni mehanizam te pljačke bile su entitetske institucije umrežene pod "kapom" Vladom RS-a, a glavna organizacijska logistika ovog kriminalnog poduhvata Dodika i Mafije Kalderoze bila je zločinačka organizacija pod nazivom SNSD.

Prema tajnoj dokumentaciji Agencije za istrage i zaštitu Bosne i Hercegovine (SIPA), Milorad Dodik i njegova kriminalna organizacija prali su novac od organizovanog kriminala, stečen kriminalnim aktivnostima SNSD-ove vlasti, između ostalog i u raznim bankarskim, ali i operacijama kupoprodaje

nekretnina, ne samo na području BiH, nego i u zemljama regije, a posebno u Republici Srbiji.

"Prvoprijavljeni Milorad Dodik u svojstvu predsjednika Vlade Republike Srpske, drugoprijavljeni Slobodan Stanković direktor i osnivač privrednog društva "Integral inženjering" d.o.o. iz Laktaša, trećeprijavljeni Lazendić Mladen, v.d. direktor Javnog poduzeća "Putevi RS", četvrtoprijavljeni Nedeljko Čubrilović, ministar saobraćaja i veza u Vladi Republike Srpske, petoprijavljeni Fatima Fatibegović, ministar u Ministarstvu za prostorno uređenje, građevinarstvo i ekologiju u Vladi Republike Srpske, šestoprijavljeni Milenka Dakića, pomoćnik ministra u Ministarstvu za prostorno uređenje, građevinarstvo i ekologiju u Vladi Republike Srpske, dvanaestoprijavljeni Aleksandar Džombić, ministar financija u Vladi Republike Srpske (danas predsjednik Vlade RS-a, op.a.), četrnaestoprijavljeni Dragan Davidović i petnaestoprijavljeni Slavica Stanković su se u period od marta 2006. godine povezivali i povezali u grupu koja je koristeći svoju hijerarhijsku pozicioniranost i politički uticaj u organima izvršne i zakonodavne vlasti i javnim preduzećima Republike Srpske kao i tržišni uticaj i veze odabranim pravnim licima i njihovim vlasnicima su netransparentno i nezakonito kreirali i uspostavili poslovne odnose u okviru kojih su prema prethodno precizno utvrđenim hijerarhijskim zadacima počinili krivična djela pranja novca i porezne utaje iz Krivičnog zakona BiH i predikatnih krivičnih djela iz Članka 344. i 347. iz Krivičnog zakona Republike Srpske kojim su omogućili sticanje imovine i imovinske koristi u iznosu od 115.235.904.08 KM i njeno transferisanje u legalni biznis, dionice, udjele, nekretnine i pokretne stvari na teritoriji Republike Srpske i susjednih država iz regiona", stoji u povjerljivom dokumentu SIPA-e iz februara 2009. godine.

Upravo ovaj dio SIPA-inog izvještaja iz 2009. godine najbolje opisuje model funkcioniranja Dodikove vlasti i kriminalnih struktura koje funkcionišu kao njegova organizacijska mreža danas poznata pod zajedničkim imenom Mafija Kalderoze. Zloupotrebljavajući politički uticaj i moć, položaj i ovlasti, Dodik je, naravno, vršeci nezakoniti pritisak na Specijalno tužiteljstvo u Banja Luci, uspio izbjeći kazneni proces u ovom predmetu, kao uostalom i u drugim predmetima vezanim za korupciju i organizirani kriminal vlasti u RS-u. Držeći pod političkom kontrolom nadležna tužiteljstva u Republici Srpskoj, te nakon što je političkom trgovinom u Sarajevu na čelo SIPA-e postavio svog provjerenog igrača Gorana Zubca, Dodik je naivno mislio kako je na duži rok onemogućio bilo kakve istrage o njegovom kriminalu.

CHEVRON FOOD MART

535 Canton Hwy
Cumming, Ga 30040
770-888-8883



**VELIKI IZBOR
BOSANSKIH
PREHRAMBENIH
PROIZVODA**
VISPAK, KLAS, PODRAVKA, KRAŠ, KOLINSKA

Zia Travel

Independent Travel Agent
Raziya Poric

6414 A. Hampton Ave, Suite 3
St. Louis, MO 63109

314-638-7347

toll free 877-540-6729

cell 314-600-3265

ziatravelstl@yahoo.com



Međutim, u tome se prevario. Tačnije, Dodik se prevario igrajući politički poker sa Borisom Tadićem i kriminalnim strukturama koje su uživale političku zaštitu Tadićeve vlasti u Srbiji, poput tajkuna Miroslava Miškovića. Bio je to političko kriminalni ortački sporazum trojca Tadić - Dodik - Mišković, na neki način svojevrsni političko-tajkunski brak iz koristi, u kojem su osim uzajamne finansijsko imovinske koristi ova trojica uzajamno pružali i usluge političke zaštite od procesuiranja za brojne korupcijsko kriminalne afere s kojima ih se povezuje. Tako je s jedne strane Dodik političkom kontrolom pravosuđa u Republici Srpskoj onemogućavao pokretanje postupaka protiv njega i njegovih mafijaških suradnika, dok je s druge strane političkom zaštitom koju je uživao od Tadićeve vlasti u Beogradu, Dodik znao kako je za njega Srbija na neki način rezervna pozicija ako mu u BiH zagusti. Zato je dobar dio novca stečenog kriminalom i političkom korupcijom u RS-u "opravo" upravo u finansijskim, poslovnim i operacijama s nekretninama u Republici Srbiji. Ukratko, Dodik je prljavi novac opljačkan u RS-u prao u Srbiji, jer je tamo uživao političku zaštitu korumpiranog Tadićevog političkog establišmenta.

Dodik naprosto nije računao na mogućnost političkih promjena u Srbiji, barem ne u tolikoj mjeri da njegov kum i politički zaštitnik njegove korupcije u RS-u Boris Tadić više neće uživati dovoljan politički uticaj kako bi svojim partnerima Dodiku i Miškoviću mogao i dalje jamčiti nedodirljivost pred srbijanskim pravosuđem. Upravo iz tog razloga, najveći dio novca Dodik je oprao preko Srbije i u Srbiji. Tome je na neki način najbolji dokaz Dodikova imovinska kartica iz 2010. godine, u kojoj je današnji predsjednik RS-a pobrojao

Osman "Cico" Vujanović

cell: 404-550-8054
fax: 404-641-1831
e-mail: osmanvu@gmail.com

**Specijalnosti:
bankovne kuće,
foreclosure i HUD kuće**

svoju višemilijunski vrijednu imovinu u novcu, pokretninama i nekretninama, a čije zakonito porijeklo vrlo teško može dokazati. Tačnije, Milorad Dodik vrlo teško može dokazati kako je razlika njegove imovine iz imovinske kartice ispunjene u 2010. godini, stečena zakonito u odnosu na znatno manju imovinu upisanu u njegovoj kartici 2006. godine. Pritom je potpuno jasno da je Dodik imao bilo kakvu ušteđevinu i imovinu od svojih ranijih poslova, ta bi imovina bila upisana u njegovoj imovinskoj kartici iz 2006. godine. Tako je u svojoj imovinskoj kartici 2006. godine, dakle u godini u kojoj je došao ponovno na vlast u RS-u sa svojim SNSD-om, upisao kako posjeduje: stan u Laktašima, dva stana u Beogradu, obiteljsku kuću u Republici Srpskoj u BiH, 300 tisuća KM obiteljskog nasljeđa, automobile i dionice poduzeća, dok je na ime supruge upisana imovina: automobili, poslovni proctor u Laktašima, te 100 tisuća KM nekakvog nasljedstva. Prema tadašnjoj imovinskoj kartici ispada kako su njegov sin i kćer u tom trenutku bili bez ikakve vlastite imovine, jer bi je u protivnom Dodik bio obavezan upisati u svojoj imovinskoj kartici.

Samo četiri godine kasnije, tačnije sredinom 2010. godine, imovina Dodikovih, odnosno imovina iz Dodikove imovinske kartice bitno je povećana, iako je jasno kako takva razlika u vrijednosti imovine u samo četiri godine, dakle u roku od jednog dužnosničkog političkog mandata nije mogla nastati na zakoniti način. Tako je pod vlastitim imovinom u imovinskoj kartici iz 2010. godine Milorad Dodik naveo: dva stana u Beogradu, stan u Laktašima, kuću u Laktašima, kuću u Srbiji, automobil, te prihode od poljoprivrede i iznajmljivanja kuće u Beogradu. Pod imovinom supruge Snježane navedeni su uglavnom poslovni prostor i automobil, međutim u odnosu na imovinu Dodikove djece zabilježeno je znatno povećanje vrijednosti imovine u odnosu na raniju karticu iz 2006. godine. Ovo je posebno zanimljivo za Dodikovog sina Igora, koji

Poznato je, iako mediji u BiH danas izbjegavaju tu temu, kako je ratnih devedesetih godina Milorad Dodik bio jedan od ključnih ljudi u Miloševićevoj mreži za međunarodno krijumčarenje cigareta u BiH i Srbiji, ali i regiji, zbog čega je sve do dolaska na vlast u RS-u, Milorada Dodika pratio njegov ratni nadimak Mile Ronhill

iako bez ikakvih prihoda, prema imovinskoj kartici iz 2010. godine posjeduje čak: preduzeće Fruit Eco d.o.o. u vrijednosti od dva milijuna 625 hiljada konvertibilnih maraka (oko milion i 300 hiljada eura), automobil vrijedan 50 hiljada eura, te gotovinski iznos na tajnom računu kod Hypo banke u Banja Luci u iznosu od 10 miliona 804 hiljade 881 konvertibilnih

maraka (oko 5,4 miliona eura). S druge strane i Dodikova kćer Gorica Dodik Trišić tada je upisala kako posjeduje preduzeće Trinity Media & Consulting u vrijednosti od 92 hiljade 874 konvertibilne marke, dakle negdje oko 46 hiljada eura. U četiri godine mandata na dužnosti premijera RS-a Dodik je svoju imovinu uvećao za kuću u Beogradu, koju procjenitelji procjenjuju i na oko pet miliona eura vrijednosti obzirom na lokaciju i vrijednost objekta, te za vrijednosti poduzeća koje glasi na Igora Dodika u visini od 1,3 miliona eura, kao i Igorovu tajnu ušteđevinu kod Hypo banke u vrijednosti od oko 5,4 miliona eura. Ukratko, Dodik je u četiri premijerske godine uspio zaraditi čak 11,7 miliona eura. Kada bi se tome pridodala vrijednost imovine njegove kćeri i supruge dobili bismo iznos od oko 11,8 miliona eura. Pritom, upravo iz njegove imovinske kartice vidimo da su njegovi legalni godišnji prihodi iznosili 59 hiljada 220,50 KM prihoda od premijerske plaće, 80 hiljada KM prihoda od poljoprivrede, te 100 hiljada KM prihoda od iznajmljivanja kuće u Beogradu. Prema tim podacima koje je u svojoj imovinskoj kartici upisao sam Dodik,



Miroslav Mišković i Milorad Dodik

njegovi ukupni godišnji prihodi u kritično vrijeme iznosili su 239 hiljada 220,5 konvertibilnih maraka godišnje. Za vrijeme od četiri godine, od 2006. do 2010. godine taj iznos je mogao iznositi najviše 956 hiljada 882 konvertibilne marke, odnosno ukupno 478 hiljada 441 eura. Dodikova matematika zakonitosti sticanja njegove imovine, dakle, nikako ne "drži vodu". Jer kojom to matematičkom formulom možete izračunati da je politički dužnosnik u četiri godine premijerskog mandata zaradio 478 hiljada 441 eura, a da je u istom vremenskom periodu stekao imovinu u vrijednosti od 11,8 milijuna eura?! Dakle, da se držimo samo ove računice iz Dodikove imovinske kartice, Milorad Dodik u ovom trenutku nikako ne može dokazati zakonitost porijekla njegove imovine u vrijednosti od 11 miliona 321 hiljada 559 eura.

Međutim, istražitelji SIPA-e su u svom povjerljivom izvještaju iz februara 2009. godine opisali tehnologiju političke korupcije i kriminala kojim je Dodik mogao ostvariti nezakonite prihode iz kojih je financirao i sticanje sporne imovine čije zakonito porijeklo prema podacima iz imovinske kartice nikako ne može dokazati.

"U okviru navedene kriminalne grupe u toku poduzimanja otkrivačkih aktivnosti istražitelji Državne agencije za istrage i zaštitu na osnovu utvrđenih činjenica i prikupljenih dokaza kao organizator i vođa grupe identificiran je prvoprijavljeni Milorad Dodik koji je sa drugoprijavljenim Slobodanom Stankovićem i njegovom suprugom četrnaestoprijavljenom Slavicom Stanković osmislio, pripremio i sa ostalim članovima kriminalne grupe izvršio krivična djela pri realizaciji aktivnosti na projektiranju, reviziji projekta, izgradnji i nadzoru nad izgradnjom autoputa E 661, Gradiška - Banja Luka, sekcija aerodrome Banja Luka - Glamočan, izgradnja



FASTV

www.fastv.com

60+ HD Kanali iz Bosne i Balkana

1000+ Video Na Zahtjev (VOD)
100+ Radio Kanali

Svi kanali se emituju po Evropskom i
Lokalnom Američkom Vremenu

CATCH UP TV
Mogućnost snimanja i čuvanja
emisija do 7 dana

**BEZ UGOVORNE
OBAVEZE**

SAMO
\$20

Mjesečno
Uključujući
takse!

BESPLATNO

HD RESIVER



samo \$20



FASTV

FASTV / 4778 N. Elston Ave / Irving Park, IL 60630

1-866-639-8911 / www.FASTV.com

administrativnog sjedišta Vlade Republike Srpske, izgradnja RTV doma RTRS-a u Banja Luci kupovine stambeno poslovnog objekta u Banja Luci (tzv. ABC kompleks) čiji je cilj bio osiguravanje imovinske koristi za Integral Inženjering i Integru Inženjering i ostala rezidentna i nerezidentna pravna i fizička lica i članove kriminalne grupe", navode istražitelji.

Ovaj dokument potvrđuje obrazac kriminalnog funkcionisanja Dodikove vladajuće mafije, kojeg smo vidjeli i ranije u slučaju Dodik - Hypo, baš kao što taj model funkcionisanja Mafije Kalderoze potvrđuje i slučaj prodaje rudnog bogatstva Republike Srpske u Ugljeviku navodnom stranom investitoru, kojeg predstavlja off shore kompanija sa sjedištem na Cipru. Taj Ciparski trag Dodikovih kriminalnih operacija, iako nominalno glasi na navodnog ruskog investitora, zapravo povezuje Dodika s puno ozbiljnijim organiziranim kriminalom, koji svoje korijene vuče još iz vremena Slobodana Miloševića. Naime, poznato je, iako mediji u BiH danas izbjegavaju tu temu, kako je ratnih devedesetih godina Milorad Dodik bio jedan od ključnih ljudi u Miloševićevoj mreži za međunarodno krijumčarenje cigareta u BiH i Srbiji, ali i regiji, i to duhanskim kriminalom povezanim s Tvornicom duhana Rovinj i međunarodnim krijumčarenjem TDR-ovih cigareta, zbog čega je sve do dolaska na vlast u RS-u, Milorada Dodika pratio njegov ratni nadimak Mile Ronhill. Suprotno onome što danas tvrdi, Dodik je bio u uskom krugu povjerenja Slobodana Miloševića i njegovog režima, iako su to pokušavali sakriti, a kao takav jasno je da je morao biti povezan i s operacijama pranja novca stečenog duhanskim kriminalom. Najveći dio tih operacija pranja novca duhanske mafije devedesetih, odvijao se preko tajnih računa otvorenih kod ciparskih banaka. Potom je novac sa ciparskih računa prebacivan na tajne račune jednim dijelom direktno ili indirektno pod kontrolom Zagrebačke banke, da bi nakon toga novac bio prebacivan na tajne račune kod dvije banke u Velikoj Britaniji i Francuskoj, a potom u drugoj polovici devedesetih sav je taj novac duhanske mafije, preko povjerenika pohranjen na tajne povjereničke račune kod Hypo Alpe Adria Banke u Klagenfurtu. Sa tih tajnih računa kod Hypo banke ovaj je prljavi novac "opran" kroz fiktivne kreditne investicijske operacije Hypo Grupe na Balkanu, najvećim dijelom u Hrvatskoj, BiH, Srbiji, te jednim dijelom u Sloveniji i Crnoj Gori.

Često su u svrhu prikrivanja traga novca stečenog kriminalnim aktivnostima povjerenici iz Srbije i Hrvatske, i BiH, poslove obavljali i preko povjereničkih off shore tvrtki registrovanih na Cipru, koje su nominalno glasile na treće osobe, u pravilu strance, nerijetko upravo državljane Ruske Federacije, a za što su postojali tajni ortački ugovori. Zato ne može biti slučajnost da je po istom modelu Milorad Dodik tokom prošle godine odlučio off shore tvrtki sa Cipra, u izrazito netransparentnom i potencijalno nezakonitom postupku prodati termoenergetske kapacitete i rudnik u Ugljeviku, čime je vrlo čudnim ugovorom potpisanim u tajnosti prvo u julu 2011., a potom u julu 2012. godine, strateške energetske kapacitete

Republike Srpske prodao off shore kompaniji netransparentnog vlasništva sa Cipra. Ugovor je izrazito nepovoljan za Republiku Srpsku, ali i za BiH kao državu, ali je zato povoljan za Comsar Energy Group Limited, čije vlasništvo nominalno glasi na ruskog investitora Rašida Serdarova. Nije isključeno da se radi o klasičnoj prevari, iza koje stoje tajni suvlasnici ove off shore operacije, koje kontrolira upravo Milorad Dodik, odnosno uopšte ne bi trebalo čuditi kada bi se s protekom vremena ustanovilo kako je Dodik sam sebi prodao strateške energetske kapacitete Republike Srpske. Model ove prodaje preko off shore kompanije sa Cipra, koja osniva firmu kćer u RS-u, čiji je 90 postotni vlasnik, a koja potpisuje ugovor kojim preuzima termoenergetske i rudne kapacitete u Ugljeviku, jasno ukazuje da se zapravo radi o skrivanju tragova pravih kupaca koji stoje iza ove operacije. Jer ako se radi o stvarnom stranom investitoru, tada ukoliko je sve čisto i zakonito, strani investitor kao takav kupuje i potpisuje ugovore, i za to mu nisu potrebne igre preko mreže off shore firmi koje kontrolišu nepoznati suvlasnici i partneri.

Kako su već kružile informacije o Dodikovim tajnim računima na Cipru, Afera Ugljevik ukazuje kako bi Dodik mogao biti usko povezan i s pranjem jednog dijela novca sa ciparskih računa kojeg je kontrolirao Milošević, odnosno njegovi povjerenici, te se nameće i logično pitanje, je li možda Milorad Dodik bio jedan od tajnih povjerenika na tajnim Miloševićevim

ciparskim računima, odnosno je li Dodik bio dio Miloševićeve ciparske mreže za pranje novca opljačkanog iz Srbije ili stečenog kriminalnim aktivnostima u regiji. Afera Ugljevik svakako bi mogla biti indikator kako je Dodik odlučio iskoristiti svoj trenutni politički uticaj i poziciju u BiH



kako bi kroz Operaciju Ugljevik oprao jedan dio novca s tajnih ciparskih računa koje kontrolira kao povjerenik duhanske mafije iz devedesetih godina. Ukoliko je to tako, ovaj bi slučaj trebao dodatno zainteresirati srbijansko pravosuđe, koje već i u činjenici da je Dodik kriminalno stečen novac u RS-u prao kupoprodajom nekretnina u Srbiji, tačnije u Beogradu, ima razloga za pokretanje predistražnih radnji protiv Dodika zbog kaznenih djela pranja novca i utaje poreza, pogotovo i zbog toga što je Dodik osim državljanin BiH, ujedno i državljanin Srbije, u kojoj za razliku od BiH ne uživa nikakav oblik diplomatskog ili ikakvog imuniteta, te bez ikakvih problema može biti predmetom kaznenih istraga i sudskog procesuiranja.

Domagoj Margetić

NOVO PRVA AŠČINICA -SLASTIČARNA U LAWRENCEVILLE NOVO

ADRIATIC GRILL

Mediterranean Grill - Coffee & Pastry

GYRO - DONER KEBAB
SVE VRSTE DOMAĆIH PITA,
KOLAČA I TORTI

Radimo po narudžbi jela i kolače!

770 299 1115

E-mail: adriatic.grill@yahoo.com

396 W.Pike St.

Lawrenceville, GA 3045



Senad i Sevleta Čamdžić

Eurotel Agencija

PONOVO NAJBOLJI

Dosta Vam je lažnih obećanja o niskim cijenama i kvalitetnom servisu-provjerite naš servis

13 godina rada sa samo jednim ciljem-zadovoljan korisnik

POVOLJNE CIJENE! **KVALITETAN SERVIS!**

Ako želite da zovete sa Vaših mobilnih telefona po istim cijenama kao i sa kućnog telefona, pozovite nas i taj servis će Vam biti aktiviran isti dan

717-245-8552

NAJPOVOLJNIJE CIJENE!

Bosna	samo 6.9 c/m!
Srbija	7.9 c/m
Hrvatska	samo 1 c/m!
Crna Gora	9.9 c/m
Makedonija	7.9 c/m
Zapadna Evropa	2.9 c/m

Zovi!

Koristi!

Uštedi!



Istraživanje FTV-a o višemilionskoj imovini političara

Prosječna plaća u Bosni i Hercegovini iznosi nešto više od 800 maraka. Penzije su u prosjeku 350 maraka. I pola bh. građana bilo bi zadovoljno da ima i primanja u ovim iznosima, ali nema. Politički lideri nemaju finansijskih problema.

Milioni u kešu, nekretnine širom regije. Federalna televizija istraživala je imovinske kartone "prve petorke". U nastavku pročitajte rezultate istraživanja.

Kuća na Dedinju vrijedna 1,7 miliona maraka. Kuća na Kipru – neprocijenjena. Dva stana u Beogradu vrijedna milion i 40.000 maraka. Kuća u Laktašima 300.000, stan u Laktašima 740.000. Sve je to Milorad Dodik stekao od premijerske i predsjedničke plate, pojačane prihodima od poljoprivrede. 2002. godine njegova je imovina bila procijenjena na oko 300.000 maraka. Sad iznosi više od četiri miliona. Istina, Dodik ima i kredit u Pavlovića banci u iznosu od 1,7 miliona. Ukoliko ga redovno vraća, mjesečno mora izdvojiti 12.000 maraka. Kako to uspijeva sa platom od pet hiljada maraka, poznato je samo njemu.

Svoju imovinu profesor Lagumdžija je dobro rasporedio. Nešto je prijavljeno na njegovo ime, nešto na ime supruge Amine, a nešto na ime punca Fahrudina Radonje. Porodica Lagumdžija posjeduje stan u ulici Čemaluša vrijedan 280.000 maraka, stan u Alipašinoj ulici vrijedan 180.000 maraka, naslijeđeni stan u Dubrovniku 290.000, a samo voćnjak na imanju na Poljinama vrijedi 330.000 maraka. U prošloj godini, u Skenđerpašinoj ulici u Sarajevu porodica Lagumdžija stekla nekretnine u iznosu od oko 700.000 maraka. Lagumdžija je izjavio da ima i preko 800.000 maraka kredita, da zarađuje kao profesor, te da od politike nikada nije živio.

Kredit kalkulator procjenjuje da Zlatko Lagumdžija sa svojom porodicom, ukoliko je podigao kredit od 800.000 maraka na deset godina,

mora mjesečno vraćati gotovo 9.000 maraka. Plaća ministra vanjskih poslova je 5.000 maraka. Profesorska ne prelazi 2.500. Pored svega uspio je uštedjeti 185 hiljada eura za školovanje djece i 90.000 eura u vrijednosnim papirima.

Zbog njegove kuće promijenjen je tok rijeke Radobolje. To skromno zdanje vrijedno je pet miliona maraka. Uknjiženo je na njegovog zeta i kćerku. Obitelj Čović posjeduje i kuću na Jadranu, u mjestu Podaca. Vrijednost kuće 320.000 eura. Kupio ju je Čovićev punac Perica Blago od svoje mirovine od 300 KM. Ova imovina nije navedena u Čovićevom imovinskom kartonu. Obitelj Čović, osim navedenog, posjeduje i stan u Mostaru vrijedan 200.000 maraka, vikendicu od pola miliona maraka, dva stana u Hrvatskoj vrijedna 550.000 maraka, privatne automobile vrijedne 140.000 maraka. I sve to su stekli od dvije plaće.

Težak je život povratnika. No, Tihićev nije takav. Ima kuću i vikendicu u Šamcu, stan u ulici Bembaša u Sarajevu vrijedan 106.000 maraka, stan u Ulici Ejuba Ademovića u Sarajevu vrijedan 72.000 KM, stan u Alipašinoj ulici u Sarajevu vrijedan 200.000 maraka i još jedan stan u Alipašinoj ulici prijavljen na majci. Odnedavno je vlasnik i ekskluzivnog stana u Importane centru u Sarajevu. Sve je to porodica Tihić uspjela kupiti zaduživši se samo za 86.000 maraka.

Ekonomija je godina-ma bila njegovo opredjeljenje. Gradio je tornjeve, razmjenjivao nekretnine s Naserom Keljendijem i na kraju postao ministar sigurnosti. No, prije toga razveo se sa suprugom Azrom s kojom je podijelio imovinu kako bi izbjegao sukob interesa. Fahrudinu Radončiću ostaje Avaz roto pres i tornjevi, dok supruga dobija Avaz d.o.o. No, dva dana poslije brakorazvodne podjele, supruga Azra od bivšeg muža za 200 miliona maraka kupuje AVAZ Roto pres. Odakle joj novac, mogao bi znati njen bivši muž.



Emina Travel



Agencija locirana u Jacksonville - Florida
Vam i ove godine nudi najpovoljnije karte za sve destinacije svijeta

Imamo letove po nevjerovatno povoljnim cijenama za Sarajevo, Zagreb, Beograd, kao i za druge gradove Europe

Naši ugovori su sa avio kompanijama kao što su: Lufthansa, US Airways, Air France, Delta, United, Austrian Airlines, British Airways i mnoge druge

Sa nama možete dovesti familiju i prijatelje iz Bosne i Hrvatske,
tj. cijele Europe i svijeta.

Karte se izdaju ovdje, a osobe koje lete podižu karte na aerodromu sa kojeg polijeću.

Također nudimo i osiguranja za dobivanje vize kao i osiguranja za karte, tj. putničko osiguranje "Travel Insurance".

Nazovite nas i uvjerite se da smo najjeftiniji i najbolji!

Tel: 904-866-9893



facebook.com/eminatravel

E-mail: eminatravel@bellsouth.net

SELLER OF TRAVEL REF. No. ST35868

Za više informacija uskenirajte ovaj
kod Vašim pametnim telefonom:



Ja sam najgori supkulturni proizvod komunizma

Svojevremeno sam jedva pobjegao od sudbine da u nekoj sarajevskoj gimnaziji predajem filozofiju ili marksizam. I tu me bog pogledao. Na četvrtoj godini sam postao zvijezda.. to mi je možda najveća sreća u životu. Neka sadaka, kako se kaže u Sarajevu...

Sredinom decembra, bez onog publiciteta nekada karakterističnog za sve što nosi potpis Gorana Bregovića, objavljen je CD Šampanjac za Cigane, drugi dio Bregovićevog albuma Alkohol. Prvi dio Alkohola - Šljivovica - snimljen uživo tokom Sabora trubača u Guči - objavljen je u decembru 2008. godine.

“Prvi dio Alkohola nastao je slučajno: pozvali su me u Guču, i tamo smo svirali ono što obično ne sviramo na koncertima – neke pjesme koje ponekad sviramo onako za sebe, neke od Bijelog dugmeta, neke koje sam pisao za Grčku, Tursku, Poljsku”, priča Bregović.

“Nekako, bilo mi je glupo da među amaterima sviram profesionalni koncert. Pa, jel’...? Onda, kako na koncertima pomalo pijem i pomalo dajem lovu sviračima, shvatio sam da mi je to u Guči stvarno dobro išlo – i lova i alkohol; iz toga je ispala ploča Šljivovica, uz koju se pije i pleše. Poslije nje htio sam odmah da napravim još jednu ploču, koja bi bila nešto romantičniji nastavak prethodne. Ono, znate, kao dupli album, Šljivovica na prvoj ploči, Šampanjac na drugoj... Ali, onda mi je iskrsla jedna porudžbina od ‘European Concert Hall’ i ‘Concertgebouw’ iz Amsterdama – koncert za violinu i dva orkestra pod naslovom “Tri pisma za tri proroka”, za deset najvećih koncertnih dvorana u Evropi – bile su tu filharmonije Kelna, Stokholma, Birmingema... Nastupali smo s njujorškim “Absolute Ensemble” Kristijana Jarvija, dirigentom Bečkih simfoničara...”

Zašto Tri pisma?

Posljednjih petnaest godina pišem na tu temu – staviti ih zajedno da se raduju kršćani, Jevreji i muslimani. Naravno, to je moguće samo u muzici, što je logično, jer je ljudska vrsta muziku imala prije nego što je naučila da govori; religija i politika došle su kasnije. Muzika je prvi ljudski jezik – zato se njom tako lako sporazumijeva i zato je meni lako da njome radim ovakve stvari. U nekoliko porudžbina bavio sam se istom temom, napisao sam tako liturgiju Moje je srce postalo tolerantno, po jednom arapskom stihu, za hor Moskovske patrijaršije i arapski orkestar, a imao sam istu porudžbinu i od Vatikana. Violina se, znate, svira u tri različita manira: imate klasičnu kršćansku školu, zatim jevrejski klecmer u posve drugoj tehnici, i muslimane koji sviraju na svoj osoben orijentalni način. Tako su Tri pisma adresirana na tri religije s kojima sam odrastao. Vjerovatno sam time htio i da izmirim mali dug nemobiliziranog vojnika iz poslednjeg rata. I to je zbilja bilo... dobro: dva orkestra iz dvije različite savremenosti i njihov međusobni dijalog... I to sam snimio, na koncertima u Milanu i Torinu. Na koncertu je, kažem, bilo lijepo; ali kad

sam snimak donio kući i preslušao ga, pomislio sam – ko bi uz ovo pio. Niko! A onda, nekako u isto vrijeme, u Evropi su počeli da se otvaraju problemi s Ciganima: neka politika se odjednom sjetila da bi bilo zgodno tjerat’ Cigane! I vi onda prisustvujete budalaštinama koje prave zemlje od kojih tako nešto ne biste očekivali, Italija, pa Francuska, koja je primila i othranila onolike ruske, skandinavske pisce, španske slikare?! Svi koji su nekad odnekud bježali, bježali su u Francusku. I po drugim zemljama isto: u Mađarskoj im pale kuće, biju ih u Srbiji... To je zbilja postalo nesnosno. Znete li da je Hitler, tokom Drugog svjetskog rata, proporcionalno gledano, istrijebio više Cigana nego Jevreja?

I to niko ne spominje.

Niko! E, a sad zamislite da Jevreji trpe to što trpe Cigani! Nezamislivo, jel’...? I onda nisam mogao da odolim i odlučio sam da napravim ploču koja bi nas samo podsjetila na to da su Cigani zapravo talenat ovoga svijeta, da su našoj civilizaciji ostavili toliko radosti... Jedan sam od bezbrojnih kompozitora – velikih, malih, kakvih hoćete – koji su impresionirani njihovim darom. Otuda toliki gosti na ploči, od Džipsi Kingsa pa do Gogol Bordela, koji su valjda posljednje velike ciganske zvijezde. Šampanjac za Cigane je moja prva ploča koja nije nimalo koherentna; na njoj su jake ličnosti, jaki umjetnici. Naprosto, bilo mi je stalo da ih sve stavim na jedno mjesto kako bi nas ta mala muzika podsjetila da su Cigani bili i Čarli Čaplin i Majka Tereza i Elvis Prisli...

Kazete – “Cigani”...

Njihov sam, pa mogu da kažem “Cigani”. Vjerovatno neko ko je sa strane to ne bi smio. Evo možemo govoriti “Rom”, da nekoga ne uvrijedimo... Ali moji su, možemo se samo zbuniti ako kažem “Rom”.

Dobro, to smo razjasnili... Šampanjac za Cigane je, dakle, nastao iz nekakve solidarnosti s Romima?

Kao i Šljivovica, prvi dio ploče Alkohol, i Šampanjac je ploča da se uz nju pije i da se pleše. Kada pomislim na sudbinu muzike s Alkohola, vidim žene kako igraju na stolu i sretne Cigane koji dobijaju veliki bakšiš...

I gde se izgubila romantika?

Šampanjac je zbilja bio zamišljen kao romantična ploča. Ali, ako ćemo pošteno, mi i nemamo neku romantičnu ideju o šampanjcu. Evo, pogledajte omot ploče: tako mi zamišljamo šampanjac. Kod nas se i šampanjac pije kô i rakija, dok se ne useše. Nije to ono da zagrljeni popijete čašu-dvije dok gledate zalazak sunca, ne... Možda negdje drugdje. Kod nas



Olde Salem Apartments

CALL FOR SPECIAL OFFERS*

- *2 Bedroom Apartment Homes
- *Total Electric
- *Free Water
- *Pool & Clubhouse
- *W/D Connections
- *Ceiling Fans, Mini Blinds & Drapes
- *Large Patios/Balconies



NO APPLICATION FEE! **

Za sve informacije na našem jeziku obratite se Nermini. Tel: 770-963-7057

345 Stone Mountain St. - Lawrenceville, GA 30045

Directions: I-85 North to 316 towards Lawrenceville/Athens. Exit GA 120 East & turn right. Go about 1 mile to Langley Dr. & turn right. Turn right at Constitution & turn right onto Stone Mountain St. We are on the left.

*Prices & Specials Subject to Change. **With Approved Credit.

na Balkanu to je piće koje piju oni koji mogu to da si priušte i koji, brate, vole da ih svi vide kako to rade. Pa stotinu puta sam šampanjac pio na taj način...

Kako?

Ooo, dok smo u Bratušu radili Čolinu ploču Malo pojačaj radio, toliko smo se posipali šampanjcem i vinom da je na kraju i vlasnik kafane u Bratušu donio šlauf s vodom jer nije mogao da nas gleda kako prosipamo toliko dobrog pića. I... tako da sam zaboravio Tri pisma.



Goran Bregović

Kako ste zaboravili?

Lijepo: uzmem i zaboravim! Ionako mi ni do čega preterano nije stalo. Pored toga, vjerujem da sam još mlad da objavljujem ozbiljne stvari.

Šta su za Vas ozbiljne stvari?

Porudžbine koje imam svake godine – liturgije, kvarteti, koncerti... Možda mi je i rano da to objavljujem, a možda bi me i neko ozbiljno shvatio. Neko ko dolazi iz ozbiljne kulture vjerovatno bi se morao stotinu puta izvinjavat' što pravi ploču koja se zove Alkohol; ali pošto ja dolazim iz kulture u kojoj je muzika oduvijek bila samo da se uz nju pije, nemam taj pro-

blem. Znate, mi i nemamo tradiciju druge muzike.

Nemamo, recimo, klasičnu muziku. U vrijeme Monteverdija i prve opere, ovdje su se još uvijek svirale gusle, instrument s jednom žicom, uz koje je navodno još Homer govorio Ilijadu i Odiseju. Ja volim naš folklor jer je kao Frankenštajn na prozaku... Bojim se da ću reć nešto blasfemično, ali u našem folkloru nema mnogo toga originalnog. Okruženi smo velikim muzikama: mađarskom, albanskom, italijanskom, bugarskom, rumunskom, grčkom, i naša muzika je uglavnom frankenštajn tih različitih utjecaja, ali ja volim što sam tu rođen i što kao kompozitor dolazim s te strašne i jedinstvene direktne granice između katolika, pravoslavaca i muslimana. Naravno, svak' bi volio da dolazi iz velike kulture, ali ja eto dolazim iz male... Nekada sam mislio da je to nenadoknadiv hendikep, danas više to ne mislim.

Šta ostavljate kulturi iz koje dolazite?

U istoriji muzike, metod vam je uvijek isti, od Stravinskog do Bartoka, od Geršvina do Lenona i Makartnija – podsvjesno drpate iz tradicije nošeni nekim pervertiranim robin-hudovskim instinktom. I nadate se da će od vas da krađu više nego što ste sami krali od drugih. Umjetnici su kleptomani. Jer, šta radite? Kradete od života i pravite nekakav koncentrat koji nije ništa što je ovom svijetu neophodno; ali što kaže Babo u filmu Sječaš li se, Doli Bel: "To ti je kao so – može i bez nje, ali je malo bljutavo."

Imate li utisak da tu vašu "krađu" publika u Milanu ili u Parizu bolje prihvata i više cijeni nego, recimo, publika u Beogradu ili Skoplju? Ovi naši kažu – to smo već negdje čuli, poznato nam je...

Nikada nisam ni imao ambiciju da se svima sviđam... Vjerujem da bi neki voljeli da je neko drugi njihov najpriznatiiji i najpoznatiji kompozitor, ali šta mogu – nije. Ja sam taj... E sad, kao što izmišljam državu u kojoj živim, tako izmišljam i folklor koji me gura dalje. A kako je u našoj tradiciji da se od dva stara džempera plete jedan novi, tako ćete u mojoj muzici uvijek naći i nešto od stare vune.

Zašto mislite da bi "neki" voljeli da je neko drugi "njihov" najpriznatiiji kompozitor?

Ne znam... ko bi, ba, o tome razmišljô?!

Zaista nikada o tome niste razmišljali?

Nisam... Kada čovjek odluči da se u ovo upusti, to vam je kao kad sjednete na bicikl: vrtiš pedale, pedalaš, pedalaš... nema druge. Već sam se dovoljno najeo slave, ta mi vrsta ljubavi više nije potrebna. Računam da ću možda imati sreće da napišem još nešto pristojno, da se ne sramotim od djece jednoga dana. A sve to... Nikada nisam ni bio neko koga hvale. Ne pamtim nijednu ploču Bijelog dugmeta koja je imala dobre recenzije. A onda, nakon trideset godina, zakažete koncert i, kao za inat, u Beogradu se proda 148.000 ulaznica, u Zagrebu 75.000, u Sarajevu isto.

Kada sam prije nekoliko godina pao s višnje i povrijedio kičmu, na neki način bilo je i lijepo. Toliko je prijatelja došlo u bolnicu da me posjeti. Sarajlije koje se nisu vidjele godinama vidjeli su se kod mene u Urgentnom. Prijatelji vlasnici kafana su slali čorbe, ko je pekao kolače slao je i meni. Čak su Karađorđevići poslali korpu voća. Jedino se nije javio ministar za kulturu Srbije. Ili bilo koji ministar kulture iz bivše



CƯỜNG KHAI THUẾ

Open 7 days a week : 9am - 7:30pm

4864 Jimmy Carter Blvd., Ste. 207 | Norcross, GA 30093 | Tel: 770-696-9367 | Fax: 770-872-7444
Email: FTL@franklincpa.com | Website: www.franklincpa.com

What criteria do you, as customers, have in mind when determining which tax professional to select?

- **Experience?** Franklin Accounting - This 2013 comes to mark our 27 years of hard work and dedication in serving our customers.
- **Dedication?** Franklin Accounting places the satisfaction of customers our top priority. That's why we open 7 days a week. We determine to assist customers in a good timely manner, regardless of the situation.
- **Exactness?** Franklin Accounting keeps abreast of the most recent changes in tax laws. With a team of professional employees, and experience in working with a large amount of successful businesses, Franklin Accounting has the experience and ability to help you solve your most complicated situations.
- **Certified Public Accountants** with over 15 years of combined experience to perform financial review, audit, attest, compilation, tax planning, and business consultation - Integrity Accounting Services.

Franklin Accounting is proud to provide full- package, high-quality service as follows:

- ❖ Preparing individual and business income tax for Federal & all 50 states.
- ❖ Free E-File, Electronic filing with direct deposit available..
- ❖ Preparing sales tax, payroll, W-2, and form 1099.
- ❖ Bookkeeping and accounting services for business owners.
- ❖ Business entity selection and Formation - Partnership - Corporation - LLC.
- ❖ Preparing documents and assisting customers in Purchase, Sales, Merging, and Leasing for nail salons.
- ❖ Immigration services.
- ❖ Health and Life Insurance.



**27 Years of Excellence!
Hard Work and Dedication
in Serving Our Clients!**



Member: National Society of Accountants - National Society of Public Accountants
National Society of Tax Practitioners - National Society of Tax Professionals
Georgia Association of Public Accountants

Central Payment CORPORATION

Franklin Accounting is now offering Merchant Service at the lowest rate in the industry: **Credit card processing - Check verification - Gift cards - Cash advance**

Allow us to do a cost comparison.
If we do not show a savings,
you receive a check for

\$250



For more info, please call us at:
Tel. 770-696-9367

Enter Franklin Accounting sweepstakes 2013 for your chance to win a prize!

1st PLACE
AIRFARE TO VIETNAM OR BAHAMAS CRUISE FOR COUPLE (PRIZE TO 10000)

GRAND PRIZE

2nd PLACE
IPAD 2

3rd PLACE
Free
5 year personal tax filing (- 5 prizes)

HAPPY NEW YEAR 2013

For drawing place and time, please go to our website : www.franklincpa.com

Jugoslavije. Za razliku od njih, francuska ministarka je poslala telegram. I bilo je fino: kao da prisustvujete generalnoj probi vlastite sahrane. Imate slomljenu kičmu, ležite, ne pomijerate se, a svi prijatelji tu. Nekako dirljivo, jel'?

Ipak vam je malo krivo zbog ministara, priznajte.

Ne, ne, nije... Ja sam najgori supkulturni proizvod komunizma, pa i ne spadam u sferu interesovanja ministra za kulturu. Vjerovatno jedino Francuskinja i zna da je većina značajnih stvari u umjetnosti XX vijeka došla iz supkulture.

Kakva je to pozicija? Nedavno ste rekli: nisam ni Srbin, ni Hrvat, ni Bosanac...

Ja sam naš! Ne znam kako se to drugačije zove. Osim kao naš, drugačije ne bih mogao da se lociram na tako malom teritoriju... Uz to, ja sam Sarajlija.

Šta to znači?

To je naravno pomalo i dijagnoza. Liječeni Sarajlija. Kada sam u Sarajevu, vidim tika-taka, zakuca srce... Mislim, teško je naći nekoga ko je toliko Sarajlija koliko sam ja... Odrastao sam tamo gdje Sarajlija raste: sa djecom koja nose iftar u školu i, da se od njih ne bih razlikovao, nosio sam sendvič. Na Ramazan, kada se iftari, kao i sva djeca iz mog razreda, gledali smo kroz prozor i čekali da se na džamiji upale kandilji, i onda svak' izvadi svoj sendvič i jedemo... Teško je objasniti zašto je čovjek vezan za mjesto u kojem je rođen. Ali imam kuće i u Beogradu i u Zagrebu i u Sarajevu. Moja domovina je između ta tri grada.

Vraćen Vam je stan u Sarajevu?

Jeste. Ko se bio uselio, iselio se. Ali u Sarajevu ne mogu da se organizujem da radim; nemam to što imam ovdje. Ne mogu radit' ni u Parizu...

Zašto?

Vidio sam kada sam pisao muziku za Kraljicu Margo: jednostavno ne ide. Bio sam uzeo trojicu francuskih asistenata... Normalan svijet pleše na ritmove – jedan-dva, jedan-dva, tri do četiri; kod nas je to komplikovanije: jedan, dva, tri, četiri, pet, šest, sedam, pa jedan, dva, tri, četiri, pet, šest, sedam, osam, devet... U to vrijeme sam dosta eksperimentisao s tim neparnim ritmovima u orkestracijama, i vidio da tim jadnim Francuzima od toga nešto škljoca u glavi. Kako da prebroji s devet na jedan? I kažem sebi: hajde ti kući, pa radi tamo gdje to razumiju, gdje je to prirodno... Najbolje radim u Beogradu, ovdje sam okružen ljudima. Dolazim iz rokenrola i nisam naučio da radim sam. Moju mašinu pokreće gužva.

S koliko ljudi trenutno saradujete?

Imam dvojicu asistenata. Inače, bude tu po pet-šest njih, različitih profila: od orkestratora, programera, tehničara... Kroz ovu kuću je prošlo puno svijeta. Neki od njih su danas akademici.

Isidora Žebeljan?

Naravno. Pregurali smo pola rata zajedno. Isidora je kompozitor, možda najbolji u svojoj generaciji koga Srbi imaju. Ona je radila neke od najboljih orkestracija koje i danas sviram. Čujem i da neki moj bivši tehničar sad piše doktorat. I to nije čudno: ovdje se već petnaest godina prave dobre stvari.

Svašta smo radili: pravili ploče, držali predavanja na akademijama u Barseloni, u Amsterdamu...

Ma koliko se trudili, ipak niste uspjeli da pobjegnute od škole?

Svojevremeno sam zaista jedva pobjegao od sudbine da u nekoj sarajevskoj gimnaziji predajem filozofiju; ili marksizam. I tu me bog pogledao. Na četvrtoj godini sam postao zvijezda. Pored toga što nisam ostao bogalj kada sam pao s višnje, to mi je možda najveća sreća u životu. Neka sadaka, kako se kaže u Sarajevu... Iako sam imao perioda kada sam držao predavanja na muzičkim i filmskim akademijama po Evropi, iako to nije nešto što volim, mada... Vidim da odjednom postoji neka znatiželja velikih kultura prema malim. Ne samo u muzici, već i u literaturi, filmu, kuhinji... Možda prvi put u istoriji male kulture imaju ovako veliki uticaj na velike kulture.

Zaista ste tako skromni?

Na šta bi ličilo da se još i kurčim? Razmetljivost bilo koje vrste kod drugih me je uvijek odbijala. Radim kao sav normalan svijet. Moje radno vrijeme je od pola devet do pola pet. Ne mislim da je to što se neko bavi umjetnošću bogzna šta. Zanimanje kao i svako drugo. Kada pogledate biografije umjetnika, vidjećete da je svaki od njih radio minimum osam sati, dakle kao sav normalan svijet... I pisci i slikari i kompozitori... Možda samo nije dobro što posljednjih dvadeset godina ne čitam kao ranije. A i to je konvencija. Mislim, čitanje.

Dobro, šta čitate?

S vremena na vrijeme čitam kvantnu fiziku. To me nekako... valjda zato što nikada ne razumijem do kraja. A nemam ni potrebu da razumijem. Podsjeća me na predavanja iz ontologije koja sam slušao na fakultetu; predavao je Abdulah Šarčević, s nekakvim očima kao u Hegela. Predavao je dva semestra Plotina i dva semestra Marksa, nisam se udubljavao da razumijem o čemu govori, samo sam slušao melodiju riječi. Na kraju, do danas, kao i kod većine stvari koje su se očešale o mene, od svega i nije ostao tekst, nego melodija. Tako da... jebiga, ima stvari koje ne moram da znam. Sve što ne znam zna, recimo, Isidora ili Nino, koji je sada moj prvi asistent, s kojim razvijam ideje. Naučio sam da svoje neznanje razumijem kao neki oblik znanja. I to mi daje slobodu da se komotnije odnosim prema onim strahotama znanja.

Šta je za vas strašno u muzici?

Znate kako danas ljudi prave muziku? Moj kompjuter i ja, kao dva masona, sjedimo i pravimo muziku.

Kako Vi radite?

Nastojim da od toga što radim ne tražim da bude nekakav genijalni eksces, nego da liči na život. Promiču krajolici, pijete kafu, slušate priče – od toga se sastoje i život i muzika. Šampanjac je jedna putujuća ploča, napravljena između Rio de Žaneira, Irske, juga Francuske i Bukurešta. Sjedio sam s genijalnim Ciganima i svirao muziku, jeo, pio i slušao njihove priče. Koliko priča! Na primjer, preci Džipsi Kingsa su bježeći od Franka iz Katalonije stigli na jug Francuske. Da su ih tada Francuzi izbacili, kao što danas izbacuju Cigane, bila bi to šteta ne samo za Francusku. Zamislite da su izbacili Đanga Rajnharta!

Stefan Ešer, francuska zvijezda a švajcarski Ciganin, pri-

**Dodite i kupite sve na jednom mjestu
UŠTEDITE I VRIJEME I NOVAC!**



926 Montreal Road, Clarkston, GA

404-296-6493

THRIFTOWN
Clarkston Village

čao mi je kako je kasno saznao da je Ciganin. Naime, politika Švajcarske je šezdesetih godina bila da oduzima cigansku djecu i stavlja ih u porodice Švajcaraca. Njegovi su, da bi sačuvali djecu, krili da su Cigani. Ali jednu noć su se njegov otac i ujak napili i odjednom počeli da govore romski. Tada je Stefan već imao šesnaest godina.

Onda, želio sam da imam debitanta na ploči, i išao sam u Irsku da radim sa Selinom O'Liri. Na snimanju je uvijek tu bio neko od njene familije, tetke, babe. Pomislio sam: "Brega, nije valjda tvoja reputacija stigla i do irske selendre?!" Jednom sam rekao tetkama da sutra snimamo i da nema potrebe da se muče i dolaze, a onda me jedna od njih odvela na stranu i objasnila da irske Ciganke dok se ne udaju nikada ne ostaju same s muškarcima. Ko bi to pomislio! Prilično arapski, jel'?

Zatim, putovao sam u Bukurešt da se vidim s tim genijalnim samoubicom i najvećom "manele" zvijezdom u Rumuniji, Ciganinom Florinom Salamom. Imali smo zakazan sastanak za deset uveče. U Bukurešt sam doputovao u pet po podne, i odmah kad sam stigao pitam za njega. Još spava, kažu mi. Onda smo se našli u dogovoreno vrijeme, upoznali se, i nakon tog prvog sastanka Florin je u ponoć imao nastup. Kafana je bila toľko puna da su žene sjedile muškarcima u krilu, a Florin je pjevao u oblaku para! Nikada tako nešto nisam vidio. To ludilo je trajalo do sedam ujutro. Više nisam mogao i vratio sam se u hotel, a Florin je ostao da pjeva. Sljedećeg dana, negdje oko jedan sat, probudim se i čujem istu muziku u ušima. Šta je ovo, jebote!? Fatamorgana? Ništa: Florin je uzeo sobu u mom hotelu, doveo društvo i nastavio da pjeva.

"Halo, ba?!", pozvao sam njegovog menadžera. "Došao sam da radim..." "Evo, evo, sad ću ga otjerat' na spavanje!", obećao je.

Iste noći smo, kao, krenuli da radimo, ali – džaba! Napijali smo se tako dva, tri dana, otišao, i naredne sedmice vratio se opet u Bukurešt; tek tada smo počeli kako treba. Ali znate kako je s Ciganima? Ima tu neki redosljed dok stignemo do muzike.

Zašto?

Prava je sreća da moji CD-ovi nemaju miris; svi bi smrdili na ciganske kuhinje. Tamo su uglavnom snimani.

Kako to?

Tako! Dođem s malom pokretnom opremom i sviramo... Kao što smo radili u Rio de Žaneiru, jer Judžin Hac iz Gogol Bordela sada tamo živi. U Riju postoji velika ciganska zajednica. Snimali smo u kući njegovog prijatelja Ciganina koji je porijeklom s Balkana ali već deseto koljeno živi u Brazilu... Jedino što im je ostalo iz starog kraja je to što prave sarne za Božić. U toj kući je smješten "Gypsy Recording Studio", koji je u prostoriji toliko maloj da u nju ne bismo mogli ni da uđemo da je kojim slučajem neko od nas bio imalo deblji...

Radim na starinski način, na koji odavno više niko ne radi: od prve ideje kreće putovanje, čiji smisao, kao i kod svakog dobrog putovanja, nije samo u tome da se stigne tamo kud se naumilo, već je smisao najviše u putovanju samom... Liči na život, jel'? Tako ja zamišljam da se pravi muzika.

Imali ste sreću da radite posao koji volite.

... A od toga što volim mogu još i da živim. Malo li je?!

Čovjek u stvari i ne bi trebalo da radi dok je u svojim najboljim godinama – između dvadeset pete i četrdesete. A onda, kada bi morao već biti u penziji, dakle iza četrdesete, da počne da radi. Ako se napravi neki novi humaniji politički sistem, u njega bi možda mogla biti ugrađena i ova moja mala teorija... Meni se to dogodilo.

Ali radili ste i pre svoje četrdesete. Pa, ko je pravio one silne ploče?

Koje silne ploče? Cijela karijera Dugmeta je stotinu pjesama. Toliko neki napišu godišnje. Porez je, u to doba, bio devedeset procenata; u stvari, nakon što ti odbiju 55 posto, na onih preostalih 45 posto bio je progresivni porez od 90 posto. Tako da nisam puno radio. Bilo je glupo raditi samo za porez. Zato sam svake dvije-tri godine pravio novu ploču i turneju. Tek kada je krenuo rat, poslije moje četrdesete, počeo sam ozbiljno da radim, jer sam morao. I eto, ispalo je zgodno: za pare radim samo ono što bih volio da radim i besplatno. I više ne pišem tužnu muziku. Ne sjećam se kada sam posljednji put napisao nešto tužno.

Nema više ni ljubavnih pesama.

Nema! Više ne pišem ni ljubavne pjesme, niti pišem na srpskohrvatskom jeziku.

Zašto?

Jer taj jezik više ne postoji... Ne doživljam ja to kao lični gubitak, istorija ide dalje... Ali, zato pišem na romskom. Moja opera Karmen sa srećnim krajem je na ciganskom... To je divan jezik, lako se rimuje.

Kako ste naučili romski?

Ne, ne... Ljuan Koka, jedan pametan i obrazovan Rom, prevodi mi – tako pišem. Romski me uvijek vrati na početak, u vrijeme kada sam više mislio o jeziku, a manje o smislu. Pored ciganskog, izmislio sam i neki svoj jezik na kome pišem.

Na tom Vašem izmišljenom jeziku je svojevremeno Dušan Prelević otpjevao Ružica si bila sada više nisi?

Da... Poslažem suglasnike onamo gdje mi odgovara, samoglasnike isto, i eto – izmišljeni jezik; na njemu pišem. A romski... kad bolje pogledaš, jedina moderna muzika na ovim prostorima zapravo je ciganska; sve ostalo, uključujući i većinu Bijelog dugmeta, zvuči danas provincijalno. Objektivno, kada pogledate unatrag, vidjećete da u našoj muzici, izuzev onoga što je bilo oslonjeno na folklor, i nema bogzna šta. Sve smrdi na isto – na provinciju.

I Azra?

Kod Džonija Štulića imate nekoliko upečatljivih pjesama koje su izašle iz folkloru. Džoni... Jednom me je zvao telefonom. Da napravimo bend. "Sviraćeš bas", kaže. "A ko će svirat' gitaru?", pitam. "Ja!" I njemu je to bilo smiješno, jer je i sam znao da ne zna da svira... Ali volio sam ga jer je imao tu vatru koju rijetki imaju. Negdje 1983. došao je u Sarajevo da mu produciram ploču. A to je bio malo problem. Mi smo jako različiti: za razliku od njega koji ne baca ništa, ja puno toga bacam; Džoni objavi sve. Zamišlite saradnju dvojice od kojih je jedan u tim stvarima rasipan, a drugi škrt! Pobacao sam devedeset procenata onoga što je bio donio; onih preostalih deset posto su zbilja bili biseri... A ja sam htio da produciram ploču na kojoj će sve Džonijeve pjesme biti biseri, jer Džoni

Štulić na albumu mora imat' sve dobre pjesme, to je prirodno... Džoni je jedan od rijetkih ljudi s integritetom. Sredinom devedesetih, kad je u Beogradu radio na knjizi, igrali smo redovno fudbal... I žao mi je, znate... što ga više ne viđam. Stalno zamišljam da, kada sviram u Holandiji, stoji negdje u dnu sale, sluša, ali neće da se javi zato što je, recimo... očelavio; ili ima neki drugi glupi razlog koji niko ne bi mogao razumijet'. Nemoguće je da sviram u Amsterdamu a da Džoni ne dođe na moj koncert, jel'? Eto, volio bih... Gdje smo stali?

Kod romske muzike.

Ah, da... Zašto su jedino Cigani moderni? Zato što moraju da prežive i prehrane djecu od te muzike koja je jedan eklektični džumbus u kome je sve moguće, kao u nekom satarasu, i turska melodija na špansku harmoniju sa arapskim ritmom... sve! Oni su oduvijek bili moje prirodno društvo. I ova ploča je zapravo zdravica njihovom talentu, zdravica tom neobjašnjivom talentu, tom daru koji se ne može imitirati... Ponekad, ako niste Ciganin, možete imati problem jer je njihov sistem vrijednosti malo komplikovaniji, nije ga lako razumjet'.

Šta ne razumijete? Ne uspijeva Vam da ih držite pod kontrolom ili...

Cigani imaju ideju o slobodi od koje smo se odavno odvikli. Naprosto, postoji tačka u kojoj naši moderni prioriteti više ne važe. Što nama drugima može djelovat' necivilizovano. Moj trubač iz Niša, recimo, koji više ne svira sa mnom, a koga sam zbilja jako volio, i kao trubača i kao osobu...

.Zbog čega više ne radi sa Vama?



tel > 1.773.525.4889
fax > 1.773.435.6753
e-mail > info@styletravelusa.com
<4109 North Kedzie Ave, Chicago, IL 60618>
NAJPOVOLJNIJE karte za Bosnu, Srbiju, Hrvatsku, Crnu Goru, Makedoniju, Sloveniju i sve ostale destinacije!
 Nudimo i usluge prevoda, popune i ovjere dokumenata.

Nudimo i paket aranžmane za

- * Mexico
- * Caribbean
- * Hawaii



< www.styletravelusa.com >

NOW HIRING!

Over The Road Owners Operators & Company Drivers

BEST WAY SERVICES, LLC

**RECEIVE A \$500 BONUS
AFTER 6 MONTHS OF EMPLOYMENT**

1985 NW 94th St. Suite G, Clive, IA 50325
 5419 Gravois Ave, St. Louis, MO 63116

- *Offering good rates
- *Satisfactory safety rating
- *Working with all major brokers
- *Dedicated lane position available
- *Team driving position available
- *Fuel card
- *Paid per mile or percentage
- *24 hour emergency dispatch service available for drivers
- *Help with IFTA filing



Also hiring experienced dispatcher for the St. Louis office.

For more information please contact Besim or Amela at:

515.554.1711 or 515.276.0646

Igrao je glavnu ulogu u mojoj operi Karmen; imali smo zakazanu premijeru u Koreji, u Seulu, ali on se nije pojavio na beogradskom aerodromu. Presjedali smo u Parizu, i meni zvoni telefon: "Brego, imam problema sas ženu!" Sreća da se dugo leti do Seula, tako da je drugi trubač, dok smo letjeli, spremio ulogu i uskočio na njegovo mjesto.

I tako ste prekinuli?

Poštujem svačije prioritete, pogotovo one koji uključuju ženu. Nije lako biti Rom... Po zakonu, dijete moraju upisati u osnovnu školu, i oni ih upisuju. Ali, budući da u to društvo dotjerane čiste djece dolazi iz kartonske kuće, iz sirotinje, mali Rom se ne uklapa.... Najjednostavniji i najlakši način da se društvo o njemu pobrine jeste da ga smjesti u odjeljenje djece sa specijalnim potrebama. To se romskoj djeci često dešava. E, od tog trenutka kada vas proglase za dijete s posebnim potrebama, od tog momenta više ne postoji nikakav most koji bi vas, kao dijete s posebnim potrebama, vratio u normalnu školu; tu ostajete. Time je i izbor vašeg zanimanja sužen. Ali, bez obzira na to kol'ko su razreda završili, pišu li malim ili velikim slovima, od tih ljudi sam mnogo naučio. Nekako, život mi ih je darovao....

Šta ste naučili?

... Da ne važi gravitacija. Sve što hoda može i da roni i da leti... Da u akordu nema obavezne ili blasfemične note... Sve može jer... eto tako! Volim tu bahatost – slobodan sam! Svirat' molsku notu u duru ili obratno – što da ne. Zato i koriste malo harmonije. Ionako sam uvijek mislio da je harmonija okov za muziku, da je sputava; e, i oni razmišljaju na taj način. Melodija i ritam – to je muzika! Ali, nije samo to.

Nego?

Oni su narod koji se voli na lijep, starinski način. Te ciganske porodice... Kada odeš kod njih u kuću... Sjećam se kada me je Šaban Bajramović pozvao u Niš: "Dođi da jedemo ciganjsko janje..." Sto puta sam jeo janje, sto puta su ga pekli, ali sam, eto, zapamtio to Šabanovo, cigansko... Onda ta potreba da svaka i najsiromašnija kuća bude dvorac, pa ta njihova, danas tako moderna ideja, koju zapravo dugujemo Ciganima, da se živi danas; ne juče, ne sutra, nego danas – ako uopšte hoćemo da budemo sretni, i da svaki dan bude vrijedan da se obilježi kao izuzetan.

Album Alkohol posvetili ste roditeljima.

Neko će, kontam, pomisliti: evo, ovaj idiot sad propagira alkohol. A odrastao sam u kući traumatiziranoj alkoholom. Ja ne pijem. Jedino mjesto na kome pijem je pozornica... I ima tu, na tom albumu, jedna mala priča koju sam o tome napisao... Mislim da očevi nisu neophodni u životu; ne zna se čemu tačno služe... Danas to malo bolje razumijem. U mom odgoju, otac je bio nevidljiv, ali je, samim tim što je bio prisutan, morao biti i neki model.

Kakav je Vaš otac bio model?

Dobar! Na nesreću, bio je alkoholičar, zbog toga se razveo od mame. Tako je propala jedna ogromna ljubav. Imao sam deset godina, moj mlađi brat pet... Kada čovjeku umre majka, to je velika katastrofa. Jer, ona je neko sa kim se volite svakodnevno. Otac vam nikada na taj način ne povjerava osjećaje. I kada umre, vi zapravo krenete da provjeravate svoj odnos sa njim. Što sam stariji, čini mi se da sve više ličim na

oca... Kada se penzionisao, otac se vratio u svoje selo, u Zagorje, Sveti Petar Čvrstec. Prvih pet ili šest godina nije htio da u kuću uvede struju. Ni vodu.

Zašto?

Eto, nije htio... Kada dođete kod njega morate da razgovarate – nema televizora. Inače, u tom selu je bio jedini koji je otišao u partizane; ostali su bili u domobranima. Moja mama ga je uvijek zafrkavala kako je u partizane otišao jer su tamo bile bolje ribe. Seoski pop ga je u šali nagovarao da ne ide iz sela, da ostane da kod njih umre, jer na groblju nisu imali nijednog partizana. Kuća mu je bila malo izvan sela, u nekom šumarku. Sjećam se, jednom sam, vraćajući se sa neke turneje, iznenada svratio do njega; nisam se ni mogao najaviti jer nije imao telefon. Već je bio pao mrak. Prišao sam i provirio kroz prozor. Otac je sjedio za stolom, pustio tranzistor i pjeva. Sam. Ide pjesma, a on hvata one seljačke kvarte i kvinte. Ponekad bi, sa tim svojim seljacima, svirao violinu... Često o sebi mislim na taj način. Mogu se zamisliti... A vidim da i moje djevojčice imaju tu žicu.

Koju?

Vole da su same. Doduše, ima ih puno pa su same na gomili. Gledam ih kako su sretni na Jahorini, kada padne veliki snijeg. "Samo da nas zaveje, da nam niko ne dolazi", čujem ih kad govore. "I da mi nigdje ne idemo." "A ako nestane namirnica?" "Nema veze, otvorićemo sardinu..." Sjede tako satima i same se igraju... Kada razmišljam o ocu, volio bih da umrem kao i on. Otišao je sretan, lako. I ispunio je želju seoskog popa... U tom svom selu. Sveti Petar Čvrstec kod Križevaca.

Ranije ste pričali da ste nasledili očev vinograd, i da ste pravili vino?

Naslijedio sam vinograd, ali nisam imao kada da pravim vino; dobijao sam ga od rođaka koji su se jedno vrijeme brinuli o očevom vinogradu. Od tih hiljadu litara, stotinu je bila graševina, a ostatak ono domaće koje se siječe kiselom vodom. Seljaci su voljeli očevo vino... Kada je otac umro, dogovorio sam se sa rođakom da pazi na vinograd. Htio sam da nastavim. Zbog oca. Rođak je krenuo da radi i da mi šalje graševinu, a za sebe je zadržavao ostatak, takav je bio dogovor. Nakon pola godine, pozvao me je i rekao da ne može dalje. Njegova žena je pokušala da se ubije, bacila se pod voz, pa... Eto. Otišao sam u selo da vidim tu ženu. Voz joj je otkinuo ruku... Kao bivši student filozofije – gotovo profesor – krenuo sam da razgovaram o smislu života sa ženom koja je nekoliko dana ranije pokušala da se baci pod voz. Čovječe...!

O čemu ste razgovarali?

Ne znam... Govorio sam o djeci, o porodici... Sve to... "Svskog jutra se budim u četiri ujutro, radim do uveče i ništa ne stižem. Ništa ne stižem." To je bilo sve što je rekla.

Drugi dio intervju-a sa Goranom Bregovićem čitajte u narednom broju

SVI FILMSKI ŽANROVI **EURO**

- Akcioni
- Avantura
- Biografija
- Dječiji
- Dokumentarni
- Drama
- Fantazija
- Horor
- Istorijski
- Komediya
- Misterija
- Muzički
- Naučna fantastika
- Ratni
- Ljubavni
- Triler
- Kaubojski itd.

SA PREVODOM NA NAŠ JEZIK

SERIJE >> SPORT >> ZABAVA >> MUZIKA

EURO  **TV**

1-877-747-6097

INFO@EUROPLUS.TV

Tradicija je tradicija, a jagnje je jagnje

Bajramska trpeza ili Bajramska sofru je nešto specijalno. Za svakog se pravi omiljeno jelo, a slatkiši su bitan element. Za sofru nisu dobrodošli samo muslimani, nego i pripadnici ostalih vjera. Bujrum

Bosanski lonac, cicvara, popara, burek, krompiruša, ključkuša, tufahije... Putovanje po trpezama se, prateći nazive ovih jela, pretvara u još jedno putovanje uzduž i poprijeko Bosne i Hercegovine. Svaki kraj ima različite recepte za jela pod istim nazivom, ili obrnuto - isti recepti i jela imaju različita imena. Dosta vam je konzervi, modernih jela što mirišu na celofan u koji su sastojci bili upakovani, ili "lakiranih" paprika čiji sok na ruci ostavlja crveni trag poput laka za nokte? Zavirite u "bosanski lonac", kulinarsku reportažu Ljiljane Pirolić.

Piše: Ljiljana Pirolić

„Nemam ja sad vremena za priču, vidite da sam u velikom poslu“, kaže mi Munir Kadrić u selu Podvitez, na obroncima Romanije u Republici Srpskoj, dok se bori sa čvrstom kožom mladog jagnjeta. „Doćiće nam djeca, kćerka, zet i unučad, biće nas jedno desetak i svi ćemo se okupiti oko ovog jagnjeta koje je platilo glavom“, kaže Munir i dodaje: „Eno vam moje žene Emire, udate Kadrić, a rođene Pita. Čitav život su me zafrkavali govoreći mi da volim pitu toliko, da čak i spavam s njom, a ja vam brate, volim jagnjetinu i stelju. Rekao sam joj: 'Nemoj danas ništa praviti. Danas na Bajram, ješćemo samo meso.' Šta je bolje od jagnjeta?“ „A tradicija? Gdje su ostala tradicionalna jela na bajramskoj trpezi?“ pitam. „Tradicija je tradicija, a jagnje je jagnje“, kaže Munir. „Ima kolača. Idite vi tamo kod nje da vam to pokaže“, dodaje.

Emira Kadrić poziva me za sto ispod sjenovite lipe, sa koje povjetarac već otresa pokoji žuti list. „Meni se čini da se sve manje prave pite i sarme za Bajram. Ko ima, okrene jagnje na ražnju, doda se dobra salata i to je to. Tako će biti danas i kod nas“, kaže Emira. „A baklava?“ pitam. „E, bez baklave ne može! I to prave bajramske.“ Iznosi zatim Emira na sto baklavu u društvu oblatne. Na jakom septembarskom suncu cakli se agda koja curi između jufki. „To vam je vrlo jednostavan recept. Sve se manje suču jufke, a ove kupovne, sve su bolje. Za jednu tepsiju srednje veličine, potrebno je:

- 1 i ½ kg šećera,
- pola limuna izrezanog na kriške,
- 1 kg oraha,
- 1 pakovanje jufki,
- 1 litar vode i
- 200 gr. maslaca.

„Prvo sam skuvala agdu od vode i šećera, kojoj sam dodala pola limuna izrezanog na kriške i ohladila je. Orahe sam samljela na mašini za meso, da budu malo krupniji. U podmazanu tepsiju slagala sam po tri jufke, koje sam premazivala rastopljenim maslacem. Nakon što sam složila tri jufke, na njih sam stavljala orahe, pa onda opet tri jufke i fil od oraha i tako sve do kraja, tri jufke fil, tri jufke fil, sve dok se ne utroši sav materijal. Pekla sam je 30 minuta na 250 stepeni i 30 minuta na 50 stepeni. Tako ona bude malo rešija iznutra“, kaže Emira Kadrić. „Ne pravite tirit i ne stavljate prezlu?“ kažem. „Ne pravim ja te mrvice, a prezla bi mi bila nekako višak uz toliko oraha. Svako ima svoj način na koji pravi baklavu i možda će vas ubjeđivati da je to jedini ispravan način. Ja mislim da



Baklava

svako može imati svoj način, a da to ipak bude prava baklava. Ja je pravim ovako i svi mi kažu da je dobra.“ „Nije dobra, odlična je“, kažem i u sebi brojim kalorije. Ne sabiram i ne oduzimam, ne dijelim, samo množim!

„Ne dirajte mi Tita i Njemačku“

Jagnje je na ražnju. Posao su završili Munir i njegov sin Adnan. Vrijeme je za predah za stolom ispod lipe. Njih dvojica i Emira, pričaju mi o svom njemačkom iskustvu. Sve troje su 1995. godine završili u Njemačkoj. Adnan se školovao, a Emira radila u jednom renomiranom restoranu. „Nema ljepše države na zemaljskoj kugli“, kaže Munir. „Ja uvijek kažem: 'Ne dirajte mi Tita i Njemačku. Oni su mi najviše dali u životu, a to se ne zaboravlja'. Morali smo se vratiti nakon tri i po godine“, kaže glava porodice. „Ipak je najljepše u svojoj zemlji“, dodaje Emira. „Koje od kulinarskih iskustava iz Njemačke smatrate najdragocjenijim?“ pitam. „Mnogo povrća kuvanog samo na pari i preliveog umakom od gljiva, i pohovane šnicle. To sam u receptima donijela kada smo se vratili. Raznovrsnost njihove kuhinje me fascinirala. Opet, kad naši



Romanija

prijatelji Nijemci dođu kod nas, najviše vole pojesti jagnjetinu sa ražnja, jer toga nema u Njemačkoj.“

Samo stotinjak metara od kuće Kadrića, imanje je jedne druge porodice. Almasa i Omer Hrvo, među prvima su se vratili u Podvitez, iako su ih djeca nagovarala da zamijene svoju kuću za imanje u Federaciji BiH. „Nismo htjeli“, kaže Almasa i dodaje da ih i djeca i unučad redovno posjećuju, a i sa komšijama Srbima imaju dobre odnose. „Jutros, na ramazanski Bajram, svi su nas zvali da nam čestitaju praznik. Pomažu nam u poljskim radovima, a i mi njima idemo. Prvi smo se vratili u Podvitez i jedini smo pravi povratnici koji ovdje žive. Svi ostali su dobili svoju imovinu nazad, ali dolaze samo vikendom“, kaže Almasa, dok iznosi na sto različite đakonije: sarmu, baklavu, pečenu piletinu, domaći mladi kajmak i sir, a tu je i 'pitac' – burek. „Ovak o sam burek pravila nekada, kao mlada djevojka, prije 50 godina. Danas moje unuke uče od mene kako se spremaju naša tradicionalna jela. Za burek vam je potrebno:

- 1 kg (krte) teletine,
- 4 glavice crnog luka,
- ½ kg krompira,
- 1 kg brašna,
- malo tople vode,
- 1 i ½ dl ulja,
- biber i so.

Meso se sitno isjecka, a krompir i luk na manje kockice. Sve se pobiberi, posoli i sjedini u masu koja izgleda kao ujednačeni fil. Jufka se zakuha od brašna, vode i malo ulja, a zatim ostavi da 'odmara' bar pola sata. Kad se tijesto razvije u gotovo prozirnu jufku, posipa se u tankom mlazu uljem, a

zatim puni smjesom mesa, krompira i luka. Peče se dok porumeni, a može se na kraju preliti uzavrelom mješavinom vode (1 dl.) i dvije supene kašike ulja. Bolji je topao, nego hladan“, kaže Almasa. Nakon baklave kod Kadrića, sjecani 'pitac' kod Hrva. I sve domaće i prvoklasno. Almasa je čak sve servirala u metalnim tanjirima koje je, kaže, dugo ribala, da opet zaiskre starim sjajem. Idem uzbrdo, prema vrhu Romanije, u selo Hotičina, da vidim kakva je bajramska trpeza u ovom malom, idiličnom selu, samo 5 km. udaljenom od Podviteza. Pored uskog, vijugavog, asfaltnog puta, na nadmorskoj visini preko 1000 metara, ugledam lovački dom „Srndać“. Čuje se pjesma, a unutra preko 30 duša koje gledaju samo u jednom pravcu: na ražnju, u povelikoj prostoriji, vrti se jagnje. „Pa, onda, kako ide to sa bajramskim slavljem?“ pitam dobrodržećeg čičicu. „Srbi smo“, kaže Danilo Kusmuk. „Ovo su penzioneri koji se povremeno okupljaju u ovom lovačkom domu i uz ražanj se malo zabave. Poslije će biti pjesme i plesa, kad se najedemo pečenja i malo popijemo“, kaže. Dakle, ražnjevi na sve strane. Zemlja propada, a narod se veseli.



Bajramska trpeza kod Omera i Almase Hrvo

Malo dalje, kuća je Ibrahima Babića. Cijela porodica je na okupu: sestre, braća, sinovi, snahe, kćerka, unučad... Gledaju bajramski program na televiziji i meze polako. Opet je bajramska baklava na stolu i jagnjetina sa ražnja. „Jagnje nije obavezno, ali gdje je više čeljadi, dobro dođe. Ko nema za jagnje, pravi sarmu, punjene paprike i razne pite. Dobra je i piletina, ako nema jagnječeg pečenja“, kaže domaćica. Veselo društvo za bajramskom trpezom insistira samo na jednoj stvari: da ih eto, na ovaj veliki muslimanski praznik, ne pitam ama baš ništa, samo o političkoj situaciji u zemlji. „Nemojte nam kvariti ovako lijepu i svečanu atmosferu“, kaže Sead Babić, Ibrahimov sin.

**U idućem broju:
"U carstvu livanjskog sira"**



jedna web stranica za sve vaše potrebe
www.bosnianyellowpages.us

Životna priča bračnog para Ćosović

Zaljubljeni i nakon 64 godine braka

“Naša ljubav je vječna”, uglas kažu osamdesetogodišnjaci Kadira i Rahmo Ćosović koji su u braku 64 godine. I danas su, vele, sretni i zaljubljeni kao u mladosti.

Svoju životnu priču počeli su tvrdnjom da njihova ljubav, u vrijeme kada se mladi sve teže odlučuju na brak i sve češće razvode, pokazuje da “zauvijek zajedno” nije samo filmska romansa.

Par Ćosović porijeklom je iz istočne Bosne, iz sela Todorići u opštini Čajniče. Vjenčali su se 1949. godine, a nakon 64 godine braka u njihovom odnosu još uvijek dominiraju poštovanje, razumijevanje i ljubav. Rahmo je navršio 84 godine, a Kadira 81.

Rahmina vječna ljubav prisjetila se kako je svog životnog saputnika upoznala prije više od 60 godina. Kadira je bila u

skladno žive. Sve rade zajedno i uz dogovor.

“Nikad u huji na mene ruku nije digao. Nikad ništa uradili nismo da nije uz dogovor bilo. Ko je u braku nek’ poslušaj, a ko nije nek’ zapamti, nema bolje ništa od sloge i dogovora. Sve zajedno radimo. I kad ikindiju klanjamo, zajedno učimo hatmu mom babi i mojoj majci”, otkrila je Kadira i još dodala kako je sudbina čudo jer joj se sestra udala za brata njenog muža.

Ćosovići nisu mogli dobiti djecu. Kadirina sestra Kimeta, koja se udala za Rahminog brata Mevludina, rodila je četvero djece. Kada joj je umro svekar, Rahmin brat je rekao da bi trebali podijeliti imanje. Podijelili su cijelo imanje: konje, volove, traktore i njive. Nakon toga brat je rekao da trebaju podijeliti i djecu jer “on sa njima dijeli sve”.

“Meni je sjedila jedna uz koljeno, četiri i po godine imala. Ja joj nadila ime svoje rahmetli majke Džemile, pa podiže glavu i reče mu, Dudom ga zvala, ‘ti to, Dudo, rek’o il’ ne rek’o, ja dok sam živa od adže i od tete neću nikud’. I ja kažem nek’ ostane Džemila ako hoće”, prisjetila se Kadira trenutka kada je „dobila“ dijete. Jednog jutra, nastavila je, Džemila je došla sa stvarima, složila ih u ormar i tako i ostala.

Prebjegli u Srbiju, pa u Tursku

“Kako pređe to jutro, da ona nije otišla da noći s majkom ili s babom ili sa sekama nikad. Gdje god sam na dunjaluku išla, samo me je za dimije rukom držala, i mene i adža, i od mene se udala”, rekla je Kadira.

Za vrijeme rata, na početku devedesetih godina, svi su prebjegli u Srbiju odakle su trebali ići za Tursku. Kako je dokumente imao samo Rahmo, Kadira mu je rekla da on ide, a ona će ostati.

“Jedan dan sjedili smo za ručkom i ušao je čovjek koji je rekao mojoj sestri da ima telefonski poziv. Ona je otišla, a kad se vratila, skočila mi je za vrat i počela pomagati. Rekla mi



Bračni par Ćosović

Kalinoviku u brigadi 1946. godine, a po povratku kući rekla je majci da se želi udati. Kadirino selo bilo je udaljeno sat i po hoda od Rahminog, a viđali su uglavnom na sijelima. Kaže, nisu se nikad znali i “sve je ispalalo na brzinu”.

Bila dijete kada se udala

“Hvala Allahu dragom, nisam se nikad pokajala. Izašlo je sve kako treba iako sam bila dijete kad sam se udala. Četiri mjeseca mi falilo do 16 godina. Svekar je bio odbornik i babo mi bio živ, pa su mi produžili godine. Rahmo otišao u vojsku, dvije godine, a ja ostala sama. Tako smo se uzeli i do danas živimo”, ispričala je Kadira.

Nakon više od šest decenija braka, Ćosovići i danas

je da je Rahmo zvao iz Turske i da će doći u četvrtak po nas. Pomislila sam, hoće li to Allah dragi dati da se opet nađemo", podijelila je Kadira svoje nekadašnje čežnje s novinarom.

Čosovići su u Turskoj bili dvije godine, u Čerkezkoj kampu, a potom dvije godine u Kirklaleliju. Kad je prestao rat u njihovoj domovini poželjeli su nazad. Kuću u kojoj danas žive u naselju Boljakov potok izgradili su prije rata. Džemilin muž poginuo je dok su Čosovići bili u Turskoj, a iza njega ostalo je troje male djece.

"Ja sam u bolnici u Turskoj ležala od žalosti za njim. Poče se vraćati narod, a na nama se ovo vodi. I ja kažem Rahmi da se bori da idemo nazad da poklonimo Džemili kuću. Ako i mi umremo, narod će joj otići sve ovo", pojasnila je Kadira i dodala da je znala da će im biti teško kako je danas, nikad se iz Turske ne bi vratila.

Godine proveli u sreći i dobroti

Čosovići jedva sastavljaju kraj s krajem. Žive od pomoći dobrih ljudi, Bosanaca i Hercegovaca, a pomažu im i Turci.

"Mene su ti Turci voljeli i još mi dolaze iz Turske. I ljudi i žene, pomažu me. Tamo smo poznavali momke koji su sada vojnici, došli su nam ovdje na sjelo. Onda su sabrali pare i kupili nam dva metra drva". Da je ljubav kada saputniku želiš prije nego sebi, dokaz je i Rahmina želja.

"Moja nana je bolesna, ruke je bole. Kad bi ona mogla dobiti neku mašinu, da ne pere veš na ruke ja bih bio veoma sretan", skromno je poželio je Rahmo, a Kadira ga uz smiješak ukori i reče: "Dobro je i ovako. Svima želim da provedu godine kako smo ih mi proveli. U sreći i dobroti."

Fix Your Computer Now!

We'll Repair Your Computer Through The Internet!

Solutions For:
Slow Computers • E-Mail & Printer Problems
Spyware & Viruses • Bad Internet Connections



Affordable Rates For Home & Business
Friendly Service
from U.S. Based Technicians

Call Now For Immediate Help
888-840-9830

\$25⁰⁰ Off Service
Mention Code: MB



488 North Main Street, Alpharetta, Ga 30009

770-360-8014

www.cafeefendi.com

Cafe Efendi
MEDITERRANEAN & TURKISH COUSINE



NE SAMO HRANA
NEGO
DOŽIVLJAJ



Uživo muzika petkom i subotom

Sve vrste alkoholnih
i bezalkoholnih pića

Trbušni ples



Audi RS7 Sportback do stotke ubrzava za samo 3.9 sekundi!

Audi proširuje ponudu svojih RS modela, a model RS7 Sportback ujedinjuje dinamiku i sportski nastup s elegancijom u najboljem izdanju.

Ubrzanje od nula do 100 km/h traje samo 3,9 sekundi, a na zahtjev kupca može se deaktivirati limitator brzine kako bi postigao maksimalnu brzinu od 305 km/h.



Ovaj veliki coupe s peterim vratima pokreće 4.0 TFSI Twin Turbo benzinac snage 560 KS. Munja iz Ingolstadta u kombiniranom ciklusu troši samo 9.8 l/100 km, uz emisiju CO2 od 229 g/km, što treba zahvaliti start-stopu te COD (Cylinder On Demand) tehnologiji koja pri nižim i srednjim okretajima isključuje polovicu cilindara.

Snaga i moment se kanaliraju na sve kotače pomoću osmerostupanjskog automatskog mjenjača s polugicama na upravljaču, odnosno na podlogu pomoću posljednje generacije stalnog quattro pogona.

Kako bi se jasnije razlikovao od nešto pitomije braće, RS7 Sportback standardno dolazi opremljen atraktivnim optičkim paketom koji podrazumijeva nove odbojnice i masku hladnjaka, stražnji spojler, difuzor te brojne RS oznake.



Am Dent, Inc.



Dental Care for Entire Family

Dr. NAZNEEN S. DALWAI, DMD

- * Cleaning and Gum Treatments
- * Bleaching, Bonding and Veneers
- * Crowns and Bridges
- * Tooth Colored Fillings
- * Extractions
- * One Hour Whitening (\$250)
- * Dentures and Partial
- * Bad Breath Treatment
- * Root Canal Treatment
- * Snoring Problem
- * Thumb Sucking Problem
- * Teeth Grinding Problem



Let us give you a winning smile!

Late Evening and Weekend Hours :: Phone 770.279.5000

Most Insurances Accepted
 Medicaid (uder 21) Peachcare
 Major Credit Cards

NOW OFFERING! Ortho (Braces) Special - FREE Ortho Consultation
 New Patient Special (Exam, X-Rays, Cleaning) - ONLY \$75
0% Financing up to 12 Months through Care Credit

www.drnazneendalwai.com :: 895 Indian Trail Road, Suite 11, Lilburn, GA 30047

Zanimljivosti sa dodjele nagrade Zlatni globus

Film "Lincoln", koji je ustvari priča o ratu protiv ropstva koji je vodio 16. američki predsjednik Abraham Lincoln, na sceni je predstavio bivši američki predsjednik Bill Clinton. Prilikom poziva za izlazak na scenu, voditeljica programa Amy Poehler je šaljivo najavila Clintona oslovivši ga kao "suprug Hillary Clinton", a publika u sali ga je pozdravila glasnim aplauzom.



Jodie Foster

Noć je ipak obilježila Jodie Foster koja je bila nominovana za „nagradu za životno djelo Cecil B. DeMille“, a koja je na pozornici javno priznala da je homoseksualnog opredjeljenja i da namjerava da se povuče u mirovinu.

Proglašeni su ovogodišnji dobitnici prestižne filmske nagrade Zlatni globus, koja je poslije Oscara najvrjednija nagrada koja se dodjeljuje za najuspješnija filmska ostvarenja u prethodnoj godini. Popularni glumac Ben Affleck dobio je Zlatni globus za njegovu rol u filmu "Argo", koji je također osvojio Zlatni globus u još dvije konkurencije i to za najbolji film godine i najbolju režiju. "Nije ni bitno o kojoj se nagradi radi, ali je veličanstven osjećaj kada vas pominju u društvu sa Stevenom Spielbergom, Ang Leeom, Kathrynom Bigelow i Quentinom Tarantinom", kazao je Affleck prilikom primanja nagrade.

Film poznatog režisera Spielberga "Lincoln" imao je čak sedam nominacija, a na kraju večeri se samo Daniel Day-Lewis okitio Zlatnim globusom za "najbolju mušku ulogu", što je bilo iznenađenje za filmsku kritiku.

Zlatni globus za "Najbolju žensku ulogu" dobila je Jessica Chastain za ulogu CIA agentice u filmu „Zero Dark Thirty“ koji govori o operaciji u kojoj je ubijen ozloglašeni terorista Osama bin Laden.

Za "Najbolji strani film" proglašen je film „Amour“ australskog režisera Michaela Haneka, a film govori o neprolaznoj ljubavi jednog vremešnog para.

"Najbolja filmska muzika" je nagrada koju je ponijela pop diva Adele za muzičko ostvarenje u posljednjem serijalu filma o Jamesu Bondu "Skyfall".

Novi film Danisa Tanovića u borbi za Zlatnog medvjeda u Berlinu

Novi film scenariste i reditelja Danisa Tanovića "Epizoda u životu berača željeza", nastao u produkciji SCCA/pro.ba, svoju svjetsku premijeru će imati u zvaničnoj konkurenciji ovogodišnjeg Berlin Film Festivala, gdje će se takmičiti za prestižnu nagradu Zlatni medvjed.



Danis Tanović

Film "Epizoda u životu berača željeza" baziran je na istinitom događaju i govori o otuđenju i diskriminaciji u savremenom bosanskohercegovačkom društvu.

Radnja filma prati Nazifa koji izdržava svoju porodicu sakupljajući staro željezo. Nakon što je njegovoj supruzi Senadi uskraćen prijeko potreban tretman za spontani pobačaj, Nazif će uraditi sve što je u njegovoj moći da joj spasi život - očajnički sakupljajući još otpadnog metala, tražeći pomoć od nevladinih i državnih institucija. Narednih deset dana Nazif i Senada će u potpunosti iskusiti okrutnost savremenog društva. Uloge u filmu ostvarili su Nazif Mujić, Senada Alimanović, Sandra Mujić i Šemsa Mujić. Producenti filma su Amra Bakšić Čamo i Čedomir Kolar, a pored scenariste i reditelja Danisa Tanovića ekipu filma čine još i direktor fotografije Erol Zubčević, montažer Timur Makarević, dizajner zvuka Samir Fočo te izvršni producenti Adis Đapo i Adnan Beširović.

Film "Epizoda u životu berača željeza" nastao je u produkciji SCCA/pro.ba u koprodukciji sa A.S.A.P Films iz Pariza i Vertigo/Emotionfilm iz Ljubljane. Film je većinski finansirala Fondacija za kinematografiju Sarajevo.

"Mislim da je potrebno da ova priča bude viđena, ne samo da bi se pokrenule diskusije o našem društvu i svim vrstama otuđenja i diskriminacije koje su u njemu prisutne, nego da se kroz emocionalno shvatanje stanja žrtve dođe do momenta u kojem ćemo sami sebi postaviti pitanje: Kakvi smo to ljudi postali? Da li je moguće da sedamnaest godina nakon rata u kojem sam svakodnevno bio svjedok nevjerovatne ljudske hrabrosti i požrtvovanosti, u kojem su ljudi riskirali glavu da pomognu nepoznatom u nevolji, mi danas živimo u društvu koje se ne osvrće na ugrožene, koje se pravi da ne vidi užas koji nas okružuje. Nijedan sistem nije nehuman dok god postoje dobri ljudi među nama", rekao je Danis Tanović.

Ovako 'pročistite' profil na Facebooku prije dolaska Graph Searcha

PROMJENE DOČEKAJTE SPREMNI:

Aplikacija Facewash omogućava korisnicima Zuckerbergove mreže pretraživanje profila za neprikladnim sadržajem kojeg su tokom godina objavljivali

Nakon što je Zuckerberg najavio novi način pretraživanja na Facebooku Social Graph, mediji su upozorili na neke opasnosti koje korisnicima prijete na najvećoj društvenoj mreži na svijetu. Naime, novi i detaljniji način pretraživanja omogućit će lakše pronalaženje informacija na Facebooku pa bi se tako o korisnicima mogle otkriti neke neugodne informacije iz prošlosti za koje su oni u potpunosti zaboravili ili su na njima zaboravili urediti postavke privatnosti.

vanje vašeg profila za određenim riječima koje se smatraju neprikladnima, a korisnici su ih objavili u statusima, komentarima, linkovima ili grupama.

Kako bi aktivirali ovu aplikaciju, potrebno je ići na ovu adresu, dati dopuštenje za pristup vašim podacima te, kada se otvori glavni prozor, kliknuti Start. Iako će ova aplikacija pretražiti neprikladne riječi samo na engleskom jeziku, ona ima i pretraživač putem koje možete pretražiti riječi koje vas zanimaju i na taj način provjeriti jeste li te riječi koristili u objavama na Facebooku. Aplikacija će prikazati sve objave (statusi, komentari, opisi fotografija, lajkovi i slično) u kojima se spominju te riječi te ćete ih onda moći izbrisati ili urediti postavke privatnosti kako ne bi bile dostupne svima.

Problematicni sadržaj

Na Digital Trendsu kažu da ova aplikacija pretražuje samo tekstualni sadržaj tako da, ako se vaše ime nalazi označeno na neprikladnim fotografijama, Facewash ih neće moći pronaći i prikazati pa će korisnici morati sami pretraživati fo-



Opasnosti koje donosi nova opcija pretraživanja na Facebooku

Tako bi samo jedan lajk na krivu grupu ili krivi komentar napisan prije nekoliko godina (na koji su korisnici zaboravili) korisnike mogli dovesti u velike probleme. No, sada postoji i rješenje za izbjegavanje ovih problema, a zove se Facewash. Riječ je o web aplikaciji kojoj morate dati odobrenje za pristup vašim podacima na Facebooku te će ona omogućiti pretraži-

tografije.

S obzirom na brojne probleme s privatnosti koje korisnici imaju s ovom društvenom mrežom te na činjenicu da npr. prilikom prijave za posao, poslodavci pretražuju informacije o potencijalnim zaposlenicima na internetu (i na Facebooku naravno), Facewash se čini kao prilično korisna aplikacija koja će pomoći u pronalaženju problematičnog sadržaja koji se nalazi na profilima ove društvene mreže.

DONIRAJTE
za novu džamiju Fargo-Moorhead do 31. marta 2013.



- Do sada je prikupljeno \$500.000, a ukupno nam je potrebno \$750.000 do 31. marta 2013.
- Molimo Vas, ček šaljite na adresu: Islamic Society of Fargo Moorhead
 2102 6th Ave S
 Fargo, ND 58103
- Donaciju takode možete uplatiti putem Paypal-a na račun: islamndfargo@gmail.com.
- Za više informacija kontaktirajte nas na telefon 701-234-9607.

Svaka uplata je dobrodošla!

*** SECURITY**
*** JANITORIAL SERVICES**

NOW LEASING

Atkinson Arbors

Office Suites

*** GATED COMPLEX**
*** LOBBY & BREAK ROOM**

Starting at **\$250.00**

Up to **4,000 sq.ft.** available

Call 770-317-7124

1530 Atkinson Road, Lawrenceville, GA 30043

Sport: Faruk Hadžibegić

Reprezentacija BiH je na pravom putu za Brazil

“Bosna i Hercegovina ima jako dobru i kompaktnu fudbalsku reprezentaciju kojoj se ne može pronaći mnogo nedostataka” izjavio je dugododišnji reprezentativac Jugoslavije i bivši selektor nacionalnog fudbalskog tima Bosne i Hercegovine Faruk Hadžibegić

Bosna i Hercegovina ima jako dobru i kompaktnu fudbalsku reprezentaciju kojoj se ne može pronaći mnogo nedostataka, izjavio je dugododišnji reprezentativac Jugoslavije i bivši selektor nacionalnog fudbalskog tima Bosne i Hercegovine Faruk Hadžibegić, koji je boravio sa delegacijom Fudbalskog saveza BiH u posjeti centrali Svjetske nogometne federacije (FIFA) u Zurichu.

Tokom posjete FIFA-noj direkciji, Hadžibegić je u razgovoru za njihov portal izjavio kako je tim reprezentacije Bosne i Hercegovine veoma dobar, te mu se ne može pronaći mnogo grešaka.

Hadžibegić je istakao da voditi poslijeratnu zemlju u svjetski fudbal nije nimalo lagan zadatak.

„Izazovi su veliki. Svi dolazimo iz bivše Jugoslavije, gdje je fudbal bio veoma dobro organizovan, kao da smo imali malu FIFA-u. Sve je bilo namješteno tako da proizvodi visokokvalitetni fudbal, koji je bio svjetski priznat.

Danas BiH mora da cilja veoma visoko, ako želi da postigne isti nivo koji je imala bivša Jugoslavija u fudbalu. Na dobrom smo putu, ali još uvijek imamo mnogo toga da napravimo“, istakao je Hadžibegić.

Hadžibegić je bio dio komisije koja se sastala sa predsjednikom FIFA-e Seppom Blatterom kada je BiH aplicirala za članstvo u krovnoj fudbalskoj organizaciji.

Hadžibegić se prisjetio kako je u toj delegaciji bio u svojstvu bivšeg fudbalera i nekoga sa određenim fudbalskim autoritetom. Tada je razgovarano o napretku i uspjeli su preći prvu prepreku.

„Imenovan sam za člana Komiteta za normalizaciju NSBiH, gdje sam imao ulogu ambasadora FIFA-e i UEFA-e.

Tu ulogu više nemam, ali sam i dalje veoma vezan za Savez i brinem o fudbalu u svojoj zemlji. Nastavio sam pomagati i davati savjete“, rekao je Hadžibegić za FIFA-in portal.

Hadžibegić se prisjetio kako je u „vrijeme bivše Jugoslavije, Bosna i Hercegovina bila glavni izvor igrača, ali i trenutni tim je veoma dobar, ne mogu mu naći puno grešaka“.

„Nekoliko puta smo stigli do baraža, ali naš Savez nikada nije iskusio veliko finale. Nedostaje nam iskustvo da bismo se mogli nositi sa takvim prilikama“, rekao je Hadžibegić.



Faruk Hadžibegić

Kvalifikacije za Svjetsko prvenstvo u Brazilu 2014. BiH je u svojoj G grupi započela veoma dobro, rekao je Hadžibegić, te dodao da trenutni selektor BiH reprezentacije Safet Sušić radi veoma dobar posao.

„Reprezentacija je na pravom putu za Brazil. Ostalo je još nekoliko važnih utakmica, ali nikada nismo bili ovako dobro pozicionirani u kvalifikacijama“, naglasio je Hadžibegić.

Hadžibegić, koji je 1999. godine bio selektor nacionalnog fudbalskog tima BiH, ovu poziciju objasnio je kao poseban osjećaj, poput zaljubljenosti u ženu.

Nakon poraza od Đokovića

Nadal: Mislio sam da naš meč nikada neće završiti



Rafael Nadal

Novak Đoković i Rafael Nadal su pet sati i 53 minute vodili veliki teniski boj. Dvojica najboljih svjetskih teniserisa igrali su time historiju u finalnom susretu Australian Opena, prvog Grand Slam turnira godine. Đoković je zadržao dominaciju i pobijedio 5-7, 6-4, 6-2, 6-7 (5), 7-5, a srpski i španski teniser odigrali su time najduži finalni meč nekog Grand Slam turnira u povijesti.

“Nevjerovatno. Pogled mi je odlazio prema satu tokom meča. Dva, tri, četiri, pet sati... Mislio sam da taj meč neće nikada završiti”, osvrtao se Nadal na finale koje će se, vjerovatno, još dugo pričavati.

“Neću govoriti kako sam iscrpljen. Već ću govoriti o tome da sam uživao u tom meču. Kada ste fizički spremni i kada se dobro osjećate, a ja sam bio upravo takav u finalu, onda je gušt patiti. Da, uživao sam u takmičenju u svakoj sekundi tog finala. Nije mi bilo teško bilo šta. Nažalost, izgubio sam, ali sam i zadovoljan jer sam sve to izdržao. I bio do samog kraja u igri za pobjedu”, kazao je Nadal priznavši da je imao mentalni problem s Đokovićem prošle godine.

“Padao sam protiv njega zbog psihe. Ali, danas nisam imao taj problem. Nisam pao u glavi, nego zbog jednog poena koji je mogao otići na drugu stranu. Ta činjenica mi daje snagu, a svaki prošlogodišnji poraz me gurao sve dublje u rupu. To je velika razlika”, kazao je Nadal.

PRODAJETE ILI KUPUJETE KUĆU?
Vi imate pitanja - ja imam odgovore

- * Sa Vama od početka do kraja, u svim fazama kod prodaje ili kupovine kuće
- * Ostranjenje i zaštita Vaših interesa je moj prioritet
- * Idealno vrijeme za kupovinu kuće - vrlo niske cijene uz povoljne kamate
- * Foreclosure * HUD homes * Prvi put kupi dobijaju Home Depot gift card
- * Besplatne usluge notara i prevođenja potrebnih dokumenata

metrobrokers.com **GMAC** Real Estate

DINO KRGO
REALTOR

678-429-4353
dkrgo@bellsouth.net

ISHRANA

Zdravstvene dobrobiti mrkve

Ova namirnica se uzgaja već preko 1000 godina. Smatra se da je njezina domovina Europa, gdje ona i dan danas raste kao samonikla biljka.

Uzgojem je razvijeno preko 100 vrsta mrkve.

Većina nas je upoznata s mrkvom narančaste boje, no postoji i ljubičasta, crvena, žuta i crna mrkva.

Dok je narančasta mrkva popularna u Europi, u južnoj Aziji i Africi koristi se uglavnom ona ljubičaste boje.

Plodovi mrkve po veličini mogu varirati od 2 do 90 centimetara.

Sastav i ljekovitost mrkve

Boja mrkve ukazuje da je bogata beta karotenom, nakon čega slijede vitamin K, vitamin C, vitamin E, vitamin B1, B2, B3, B6, folna kiselina, fosfor, kalij, mangan i molibden.

Također obiluje vrijednim antioksidansima – karotenoidima, hidroksinamičnim kiselinama i antocijaninima.

Metabolički prethodnik vitamina A, beta karoten, opravdano je dobio ime po mrkvi (lat. Carota), jer ona sadrži 407 posto njegove dnevne preporučene doze. Beta karoten jača imunitet, štiti od infekcija i raka.

Redovito konzumiranje beta karotena smanjuje rizik od pojave glaukoma i katarakta, pomaže u očuvanju i poboljšanju vida te smanjuje kratkovidnost - posebice kod djece.

Beta karoten je poželjan u prehrani oboljelih od raka (naročito pluća, želuca, jednjaka, tankog crijeva, grlića maternice i same maternice), jer ga oni, prema istraživanjima, imaju za trećinu manje od normalne razine.

Aдекватna dnevna doza beta karotena kod pušača značajno smanjuje izgled za dobivanje raka pluća i emfizema.

Dokazano je da povrće tamnonarančaste boje, posebice mrkva, najučinkovitije štiti kardiovaskularno zdravlje.

Zbog obilja vlakana i pektina smanjuje povišeni kolesterol, te podiže razinu dobrog HDL kolesterola.

Nijedna biljka bolje od mrkve ne zaustavlja proljev i povraćanje kod dojenčadi, a uspješno tjera i dječje gliste.

Zbog vrijednih sastojaka preporučuje se kod slabosti organizma, slabokrvnosti i bolesti uzrokovanih pomanjkanjem vitamina kao što su skorbut i rahitis.

Sok od mrkve odličan je za pospješivanje mokrenja, a u kombinaciji s medom preporučljiv je za bolesti grla i

jačanje imuniteta.

U vanjskoj primjeni mrkva zacjeljuje i ublažava čireve, opekotine, ekceme, rane i zagojenja. Mrkvine stabljike obiluju mineralnim solima, a u obliku uvaraka ili kupelji djeluju protiv afti.

Redovito konzumiranje mrkve:

- smanjuje rizik od moždanog udara za 40 posto
- štiti vid
- potiče probavu i rad jetre
- štiti od nekih vrsta raka
- čuva zdravlje srca i krvnih žila
- jača imunitet
- pomaže kod proljeva
- poboljšava izgled kože
- čisti organizam

Ulja mrkve

Macerat korijena mrkve iznimno je bogat beta karotenom, te se najčešće koristi za sunčanje i tamnjenje kože, kao i za tretiranje ožiljaka i tamnih mrlja. Najbolje pogoduje suhoj i dehidriranoj koži. Bazno ulje mrkve je skupo i visokokvalitetno ulje sa snažnim protuupalnim i antioksidativnim svojstvima. Odlično je za njegu prije i poslije sunčanja, a i tretiranje opekotina.

Pogodno je za njegu masne kože sklone nastanku mitesera i akni. Zbog svojstava regeneracije i poticanja cirkulacije koristi se za kuperoznu kožu i tamne podočnjake.

Eterično ulje mrkve stimulira rad jetre i bubrega, normalizira kolesterol i potiče detoksikaciju. Idealno je za njegu svih vrsta kože, a posebice zrele, jer regenerira, djeluje protuupalno i zacjeljuje.

Također se primjenjuje u njezi za sunčanje te kao tretman ekcema, rozaceje, psorijaze i dermatitisa.

Maska protiv bora od mrkve

Pomiješajte kašiku soka od mrkve i kašiku maslinova ulja, smjesom namažite lice. Nakon 20 minuta obrišite lice ubrusom. Nemojte se umivati ili trebate nanositi kremu. Ovu masku primjenjujte dva puta sedmično.

Mrkva u kulinarstvu

Prema nekima mrkvu je najbolje jesti sirovu, dok drugi izvori tvrde da ju je najbolje kratko prokuhati da bi maksimalno iskoristili njene vitamine.

U svakom slučaju nećete pogriješiti jer se beta karoten kratkim kuhanjem neće uništiti.

Mrkvu možete kuhati, pariti, peći, sušiti, roštiljati, pirjati te pripremati salate, juhe, zimnicu, deserte, piree, umake, sokove... Zbog svoje arome pogodna je i za slatka i slana jela.



Drew Barrymore: Reći ću kćerki o svojoj ovisnosti o drogama

Američka glumica Drew Barrymore je otkrila da namjerava svojoj kćerki reći sve o svojoj ovisnosti o drogama. Glumica je o svom životu razgovarala tokom intervjua sa Oprah.

Problemi ove 37-godišnje zvijezde su počeli kada joj je bilo 16 godina, već tada je postala ovisna o drogama. U međuvremenu je imala i dva veoma kratka braka – prvi 1994. godine sa Jeremyjem Thomasom, koji je trajao dva mjeseca, i drugi 2001. godine sa Tomom Greenom, koji je trajao nešto duže od jedne godine.

“Morat ću joj objasniti da, ako se ponosi sobom i onim što je postala, onda ne treba da se stidi puta kojim je tu došla. Morat ću joj objasniti i da nisam imala nikoga ko bi mi mogao pokazati pravi put te da sam zbog toga svoj život živjela na takav način. Iako sam ponosna na sve što sam prošla i ne želim svoj život provesti u žaljenju zbog toga, ne postoji apsolutno nikakva šansa da će ona krenuti istim putem, jer ona ima nekoga ko će je uputiti”, kazala je Barrymore.

Tokom intervjua Barrymore je kritikovala svoju majku zbog činjenice da nikada nije bila tu za nju i rekla je da ona neće napraviti takvu grešku sa svojom kćerkom Olive.

Beyonce pozirala u kupaćim kostimima H&M



Beyonce Knowles

Plesačica koja nastupa uz popularnu pjevačicu Beyonce otkrila je na Twitteru tajnu saradnju koju je lijepa pjevačica imala sa modnom kućom H&M.

Ovih dana pojavile su se glasine kako je Beyonce bila na Bahamima gdje je sudjelovala u editorijalu u kojem su predstavljeni kupaći kostimi H&M.

Sve je začinila plesačica Kimberly Gipson koja je na svome Twitteru objavila kako je sa Beyonce putovala na Bahame, spomeni viši pritom i snimanje za H&M. Iako je ubrzo shvatila da je pogriješila i izbrisala poruku na Twitteru, šteta je već bila načinjena, te je tajna saradnja izašla na vidjelo.

Glasnogovornik modne kuće H&M odbio je dati komentar ovim povodom.

Kompleks klempavih ušiju

Ni činjenica da ga je većina vodećih svjetskih magazina proglasila jednim od najzgodnijih muškaraca današnjice nije pomogla Danielu Craigu da se riješi kompleksa zbog klempavih ušiju. Zato se glumac odlučio na operaciju.

Zlo mi je kad se vidim na televiziji. Satima poslije pred očima su mi samo moje uši koje strše kao antene’, požalio se glumac Daniel Craig prijatelju i redatelju novog Bond filma Samu Mendesu.

Glumac je konačno odlučio riješiti se kompleksa. Tim više što i, dodao je, danas pmeti da je bio predmet izrugivanja po svim školama

Ne, ona nakon prekida ne plače nego ponovno ljubi!

Veza Justina Biebera i Selene Gomez je definitivno gotova. No Selena ne plače nego ponovno ljubi.

Na zabavi nakon dodjele Zlatnih globusa, 20-godišnja glumica pokazala je novog dečka, australskog glumca Lukea Braceyja (23).

Gomez i Bracey držali su se za ruke, a svjedoci su načuli i da se Disneyjeva zvijezda požalila kolegi s kojim je preklani glumila u filmu Monte Carlo da joj je bilo grozno na odmoru s Bieberom u Meksiku, gdje su dočekali Novu godinu.


OVAN (21.03 - 20.04)

Budite realni i ne zanosite se, barem ne ovih dana. Aktivnosti svedite na razumnu mjeru, odmarajte se i družite se s ugodnim osobama. Imunitet je slab, a sklonost prehladama očigledna.


BIK (21.04 - 20.05)

Ljudi iz vašeg okruženja misle da se čudno ponašate. Partner se slaže s time i smatra da ste bezrazložno neugodni i selektivni. Iako vam pokušava ukazati na pogreške, u tome neće uspjeti.


BLIZANCI (21.05 - 20.06)

Kontrolirate svoju senzualnost. Potiskujete napetost u životu jer nailazite na izvjesna emotivna ograničenja. Nije ni čudo kad ste preosjetljivi i kad s partnerom komunicirate na neodgovarajući način.


RAK (21.06 - 20.07)

I dalje ste u top formi, barem kada je posao u pitanju. Svjesni ste ciljeva i ne odustajete od realizacije. Ono što vam posebno paše je osjećaj da sve možete raditi slobodno.


LAV (21.07 - 21.08)

Vašu pažnju privlače ukućani i dom. Razmišljate o tome kako poboljšati uvjete života. Hoćete li napraviti veliko pospremanje ili kupiti novi namještaj - još uvijek se ne zna.


DJEVICA (22.08 - 22.09)

Sve gledate iz idealističko-perfekcionističkog ugla. To neizbježno dovodi do razočaranja jer situacija nikad nije tako ružičasta. Morate uložiti daleko veći napor i biti spremni na odricanja.


VAGA (23.09 - 22.10)

Ovih dana Vage su zaokupljene poslom i zdravljem. Ukoliko se pojavi problem u obliku bolesti, ne preuveličavajte ga, već poduzmite nešto konkretno. Hipohondrični stav neće vam pomoći.


ŠKORPIJA (23.10 - 22.11)

Moguće su teškoće prilikom uspostavljanja kontakata. Niste u stanju objasniti neke svoje ideje i postupke. Važno je shvatiti da problemi dolaze isključivo s vaše strane. Situacija može biti pomalo mučna.


STRIJELAC (23.11 - 20.12)

Činite sve da na pravi način budete kreativni. To se prije svega odnosi na umjetnički orijentirane pripadnike znaka. Osjećate snažnu privlačnost prema nekome. Situacija je specifična.


JARAC (21.12 - 19.01)

Paše vam boemska atmosfera i spontanost. Želite se opustiti i uživati, te izbjeći osobe koje bi samo promatrale i ogovarale. Zato ćete pokušati pronaći društvo u kojem ćete se osjećati ugodno.


VODOLIJA (20.01 - 18.02)

Planirate nekuda otputovati i odmoriti se. Putovanje će vam pomoći da se opustite i zaboravite na probleme koje ste imali u prethodnom razdoblju. Mala nepažnja imala je velike posljedice.


RIBE (19.02 - 20.03)

Do izražaja dolazi vaša prgavost. Nemojte se začuditi ako se osjećate kao žrtva nasilja. Za takvo ste stanje, zbog svog prkosnog stava, sami krivi. Uspjeh ćete nesumnjivo postići, ali ne s lakoćom.

Mala riznica velikih misli



Ivo Andrić (1892 - 1975)

Žena stoji kao kapija na izlasku kao i na ulazu ovog svijeta.



William Shakespeare (1564 - 1616)

Od novog jada stara bol će proći.



Mahatma Gandhi (1869 - 1948)

Tri četvrtine svih nesvetosti i nesporezuma nestaće sa ovoga svijeta, kad se postavimo u položaj naših protivnika i shvatimo njihovo stanovište. Onda ćemo se ili odmah složiti sa njima ili ćemo o njima misliti sa više razumijevanja.



Immanuel Kant (1724 - 1804)

Htjeti postati djelimično boljim čovjekom uzaludan je pokušaj.



Francois - Marie Arouet de Voltaire (1694 - 1778)

Rad nas oslobađa tri velika zla: dosade, poroka i siromaštva.



Lav Nikolajevič Tolstoj (1828 - 1910)

Većina muškaraca traži od svojih žena vrline kojih se oni sami ne pridržavaju..

Mujo piše familiji

Mujino pismo familiji iz Amerike

Dragi naši,

Ne možemo još da confirmujemo naš dolazak ovog ljeta, ali kako sada stvari stoje, izgleda da ćemo morati kanselovati tikete koje smo bukirali, jer nas ubi morgidž za taun haus što smo kupili. Doduše, za tikete imamo, ali ne možemo skupiti za prezente svima vama, dajdži i ostaloj familiji.

A, jebi ga, bez toga ne ide da dolazimo, jer nećemo da nas smatraju za nekakve pankove, kao što su pričali za Seju i njegove kad su svojima donijeli po 100 dolara, kako su fukare i kako ništa nisu uradili u Americi.

Mi tako nećemo. Jal' dolazimo kô hadžije jal' nikako. Zato smo se i dogovorili da sevjujemo što možemo više i da sve odložimo za sljedeći vekejšn.

Inače, mi živimo dosta dobro. Ja radim ful tajm i još dva part tajma, a Razija je našla i treći part tajm preko vikenda, ali smo dobro uskladili šihte pa možemo da se viđamo svakog drugog vika. Možda je to malo nezgodno za Džesiku, ali njoj plaćamo dej ker poslije škole, a odatle je uzima bejbisiterka i dovodi kući na spavanje. Ona, iako je mala, konta da mi ovoliko radimo za njeno dobro i da ovako mora sve dok ne otplatimo morgidž. Svaki fri tajm koristimo da budemo sa njom, pa smo je tako last samer (ili to bješe pretprošlog?) vodili cijeli dan na Lake Lanier. Kupili smo joj i hot-dog i ajskrim i od tada stalno svima priča kako joj je bilo bjutiful.

Ja imam dosta posla oko taun hausa - katujem travu, čistim atik i nekako ugrabim par sati dnevno da sređujem bejsment jer hoćemo da ga rentamo i tako povećamo inkam.

Kao što vidite, da je lako - nije, ali kad je čovjek hard vorker i kad dobro isplanira skedžual, može na sve stići. Ja sam lijepo dotjerao liniju na 130 paunda, pa se neki naši kokuzi odavde

šegače da sam se osušio zato što puno radim i spavam samo četir' sata, ali to je samo zato što su oni dželos na mene, a i ne znaju da ja uvijek ugrabim bar 45 minuta slipa u sabveju. Čovjeku više i ne treba, a i to je samo prvih 25-30 godina, dok ne otplatimo morgidž, a poslije ćemo da uživamo. Sve je lako kad imaš svoj target.

Čuo sam da Sejo i ove godine ide za Bosnu. Jebi ga, može mu se kad već deset godina čući na velferu i još razvozi picu za keš, a žena mu otvorila bjuti salon u stanu pa ove naše guske navalile kô nezdrave na her kat u nje.

Ali, šta im vrijedi kad ne znaju da investuju nego sve spiskaju na putovanja i neke druge stjujpid šeme. Zato će sav život biti fukara koja rentuje svoj apartment, a mi imamo properti i sejving akaunt u banci. On stalno mejk fan od mene i priča okolo kako sam ful i ne znam da živim. Ali polako, doće maca na vratanca i njegovog apartmenta! Ja sam već obavijestio Revenju Amerike o njegovim biznisima, pa ću ga pitati kako se živi kad bude počeo plaćati taksu za sve ove godine. A to što on misli kako mi ne znamo da živimo, malo se zajebô!

Skoro svaki satrdej uveće ja i moja Raza popijemo kejs piva - onaj mali od siks. Doduše, ona popije samo jedno zato što mora na najt šift od devet, ali se zato ja rileks i smažem sve ostalo jer u sandej radim tek od osam ujutru.

Zato, kad ga vidite, nemojte vjerovati šta priča jer on nije čovjek za rispekt.

To je rizon što vam nisam poslao dolare po njemu, jer znam da će reći da sam goljo i da grabim samo za sebe.

Vi znate da to nije zbog toga, nego zato što sam temporari šort, ali i to je samo dok ne otplatimo morgidž, prvih 25-30 godina. Poslije ćemo svi da uživamo.

Pozdravlja vas sve vaš brat Mujo iz Amerike

su | do | ku

Cilj sudokua je popuniti sva polja brojevima od 1 do 9, tako da svaka uspravna kolona, svaki vodoravni red i svaki 3x3 kvadrat sadrži svaki broj od 1 do 9. To je to - nema matematike, samo logika.

Rješenje ove križaljke ćemo objaviti u sljedećem broju. Ovo je rješenje križaljke iz prošlog broja:

2	6	9	3	1	4	8	7	5
7	1	3	5	8	6	9	4	2
4	5	8	9	7	2	6	1	3
6	7	1	4	5	9	2	3	8
9	2	4	7	3	8	1	5	6
3	8	5	2	6	1	4	9	7
1	9	7	6	2	3	5	8	4
8	3	2	1	4	5	7	6	9
5	4	6	8	9	7	3	2	1

3	8							
5	7			8				
	6		2		5			
2			7			3		
6		7				4		1
		1			3			5
			9		8		5	
				7			6	3
							4	9

PRETPLATA

Ako ste zainteresovani da Vaš omiljeni magazin svaki mjesec dobijate na kućnu adresu, popunite kupon za pretplatu sa ove stranice i pošaljite ga na adresu redakcije:

Europa Magazine (pretplata), P.O. Box 867, Lawrenceville, GA 30046-0867

E-mail: redakcija@europamagazine.info. Telefon: 678.743.5731.

KUPON ZA PRETPLATU
12 MJESECI - \$48.00

NAČIN PLAĆANJA: [] ČEK ILI MONEY ORDER
[] VISA ILI MASTER CARD

IME I PREZIME: _____ TELEFON: _____ - _____ - _____

ADRESA: _____

GRAD, DRŽAVA, ZIP: _____

BROJ KREDITNE KARTICE: _____

ISTIČE: ____/____/____ POTPIS: _____

E-mail: redakcija@europamagazine.info • Tel: 678.743.5731

Europa Magazine (pretplata) • P.O. Box 867 • Lawrenceville, GA 30046-0867

DIK BROWNE HOGAR STRAŠNI



KAKAV STRAŠAN DAN!

CIO DAN MI NEŠTO FALI...

IZGLEDA DA JE KIŠOBRANI!



KAKO SI PROVEO DAN, HOGARE?

BAŠ MI JE DRAGO ŠTO TO PITAŠI!

ZAMISLI NAJGORI DAN KOJI POSTOJI...



ONDA ZAMISLI NAJGORI DAN NA SVIJETU KOJI JE IKAD POSTOJAO...



ONDA TO POMNOŽI SA HILJADU!



TAKAV MI JE DANAS BIO DAN!

BOLJE DA MU NE KAŽEM DA SU DANAS BILI POREZNICI!

Pita Mujo Sulju:

- Kakva je razlika između besplatno i džabe?
- Eto, kaže Suljo, u Titino doba školovanja je bilo besplatno, a ti si džabe išo u školu!

Kažu muškarci:

- "Žene, ne uzbuđujte se previše ako trčimo za vama... Trčimo i za loptom i na kraju je ipak šutnemo..."
- A na to će žene:
- "Muškarci, ne uzbuđujte se ako vam kažemo da smo zaljubljene u vas! Zaljubimo se i u cipele, pa nabavimo još 15 pari, onako, za svaki slučaj!"

Učiteljica proziva Pericu:

- Perice, juče ponovo nisi bio u školi!
- Baka mi je bolesna.
- Svaki put kad izostaneš iz škole tebi je baka bolesna. Ne vjerujem u to!
- Znam, učiteljice, i mi sumnjamo da baka

glumi.

Sin:

- "Tata, tata, a da li je istina što pišu u novinama da Facebook zaglupljuje?"

Tata:

- "Šta, wtf, omg, jbt, lol!"

Jedan dan u školi napravili vješalicu za kapute i napisali: SAMO ZA PROFESORE. Drugi dan neko na to dodao: MOGU SE I KAPUTI OBJESITI!

Sin nekog arapskog šejka studira u Sarajevu. Nakon mjesec dana piše kući: -"Bosna je prelijepa, ljudi su jako ljubazni i baš mi se sviđa ovdje. Samo mi je ponekad neprijatno kad idem na fakultet u mom pozlaćenom mercedesu, a neki od mojih profesora izlazi iz tramvaja."

Poslije nekoliko dana stiže ček na milion dolara sa kratkom porukom roditelja:

- "Nemoj da nas sramotiš, kupi i ti tramvaj!"

vicevi

MALI OGLASI

Europa magazin Vam nudi besplatne privatne male oglase do 20 riječi.

Popunite kupon sa ove stranice i pošaljite ga na adresu:

Europa Magazine
(mali oglasi)
P.O. Box 867
Lawrenceville, GA 30046

ili na e-mail adresu:
redakcija@europamagazine.info

Prodaja

Prodajem vikend kuću u Doboju, Trebavska 14 površine 5,5 x 7,5, prizemlje sa potkrovljem i 654 m² zemlje. Cijena 30.000 KM, vlasništvo 1/1. Kontakt telefoni: +387 33 971 652 (Sarajevo) i 904 733 0813 (Florida)

Prodajem kuću novu s nedovršenim unutrašnjim radovima, 130m², vlasništvo 1/1, u Otesu, Sarajevo. U obzir dolazi i zamjena. Tel: 727-776-0755. E-mail: sanjadoll915@yahoo.com

Prodajem motor Yamaha TTR-110, 2009 godina, kao nov, radio samo dva sata, 3 brzine. Cijena: \$1600.00. Tel: 727-393-6207

(kuća) ili 727-643-0207 (cell)

Prodajem kuću sa stvarima u Dvorovima površine 56m² sa 2 duluma okućnice i voćnjakom. Kuća takođe ima građevinsku dozvolu za eventualnu dogradnju. Tel: 619-913-7914 ili 858-558-0664

Prodajem stanove od 40m² do 53m² u Banja Luci-Novakovići, nova gradnja sa terasom, blindo vrata. Tel: 616-970-6504. E-mail: enkozdz@yahoo.com

Prodajem kuću u Sarajevu, Logavina, Vrbanjuša 108, idealna lokacija 130m², terasa 7,20m², avlija 23m² sa zidom 2m visine, parking za tri auta ispred kuće. Cijena 180.000 KM. Tel: +387 (61) 167-2031 ili 804-270-0101

Prodajem dva stana u Sarajevu oba vlasništvo 1/1: 65m² (balkon 9m²) kod Socijalnog, 65.000 eura, 44m² preko puta bolnice Koševo 50.000 eura. Tel: +387-33-644-294

Prodajem ili mijenjam kuću 9x9m, novogradnja kod mosta u Bos. Brodu za Sl. Brod ili more. Tel: 904-482-8633 E-mail: elvirgazic@hotmail.com

Prodajem nedovršenu vikendicu na Vlašiću sa svim urednim papirima. Tel: 678-313-9914

Prodajem dvosoban stan u Sarajevu 54m², II sprat, Čengić Vila I. Tel: +387-65-689-787

Prodajem dvosoban stan u Sarajevu, 54m², III sprat, Dobrinja II. Tel: 425-673-1642

Prodajem 5 duluma zemlje, nedovršena vikendica, Bradina, 500 metara od puta Sarajevo-Mostar. Tel: 904-962-1693

Prodajem dvoiposoban stan u Sarajevu, 65m², II sprat, Dobrinja III. U obzir dolazi i zamjena. Tel: +387-57-447-146 ili +387-65-568-111

Prodajem/iznajmljujem dvospratnu kuću pored džamije u Jezeru kod Jajca 70206, vlasnik Ana Ribić. Kontakt e-mail: ana.ribic@hotmail.com

Razno

Euro Plus TV traži radnicu sa znanjem bosanskog i engleskog jezika za prodaju i marketing. Tel: 1-877-747-6097

Čuvam djecu u mojoj kući u Snellville-u. Tel: 404-819-3419

Povoljno i sigurno čuvanje djece 7 dana u nedjelji. Tel: 404-723-7698

Divorced woman 45, 5'8", 140lbs, short red hair, blue eyes, non-smoking, desires to find a man in his 40-50's. E-mail: poloz3939@yahoo.com

KUPON ZA BESPLATNE MALE OGLASE DO 20 RIJEČI

Tekst oglasa (popunite čitko štampanim slovima):

Dužina trajanja oglasa (zaokružiti): 1 MJESEC - 2 MJESECA - 3 MJESECA - _____

Europa Magazine (mali oglasi) • P.O. Box 867 • Lawrenceville, GA 30046
E-mail: redakcija@europamagazine.info • Tel: 678.743.5731

Impressum

Europa Magazine

ISSN 1939-3423

Address: P.O. Box 867
Lawrenceville, Georgia 30046-0867
United States of America

Phone: +1 (678) 743 5731

E-mail: editor@europamagazine.info



Web address: www.europamagazine.info

Issued: monthly

Editor-in-chief: Haris Delalić

Senior Photographer and Graphic Design
Manager: Dan Dalibor Spalat

Graphic Design: Aldin Ajanovic, Ali Nkhazi

Internet Presentation: Damir Setkic

Freelance writer from Europe: Milan Pekić

Community: Enes Selimović

Marketing manager: Dino Krgo



Pridružite se velikoj i sretnoj porodici
naših gledatelja, kontaktirajte

Jedna jedina

BosnaTV

bosnatv.com

US/Kanada

1.800.771.0790

Evropa

++41(0)912611211

EMC CARGO

WWW.EMCCARGO.COM



	\$1.290
AUTOMOBIL	
	\$1.390
SUV/VAN	
	\$690
MOTOR	
	\$790
JET SKI/ATV	
	\$99
PAKET	
	od \$100
NAMJEŠTAJ (po komadu)	

SELIDBE USA-BOSNA

KONTEJNERI 20'ST I 40'HC - DOOR TO DOOR

* IZVOZ AUTOMOBILA, MOTORA, JEDRILICA,
ČAMACA, SKUTERA, SLANJE PAKETA

* BOSNA I HERCEGOVINA, HRVATSKA, SLOVENIJA,
SRBIJA, CRNA GORA, KOSOVO I OSTALE EVROPSKE ZEMLJE

Tel: 1-866-877-7271